

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiitaliani siulittaasut nalunaarutaat.

**Paasissutissiissutit**

- Imm. 04** Illuutit inuutissarsiorfiusut aserfallatsaalineqarnissaannut aningaasaliissutinik nuutsineq pillugu paasissutissiissut.
- Imm. 05** Nasiffimmik pilersitsineq pillugu paasissutissiissut.
- Imm. 06** Sisimiuni bussinik ingerlatsineq pillugu paasissutissiissut.
- Imm. 07** Maniitsumi bussinik ingerlatsineq pillugu paasissutissiissut.
- Imm. 08** Kangerlussuarmi bussinik ingerlatsineq pillugu paasissutissiissut.
- Imm. 09** Kommunip pilersaarutaanut tapiliusseq nr. 37 pillugu paasissutissiissut.
- Imm. 10** Qeqqata Kommuniani Ilaqutariinnut sullissiviit pillugit paasissutissiissut.
- Imm. 11** KANUKOKA-p ataatsimeersuarnerata naammassineraniit paasissutissiineq.
- Imm. 12** Qeqqani Inuutissarsionermut Siunnersuisoqatigiit aggustimi 2009-miit marsimi 2010-mut sulianut tunngatillugu paasissutissiissutaat.
- Imm. 13** Aqutsinermi inatsisip allannguuteqartinnissaata tusarniutaanera – paasissutissiissut.

**Aningaasaqarnermut tunngasut**

- Imm. 14** Kussangasoq-mi Meeqqerivik 3-mut aningaasaliissutit toqqavissaatalu aallartisarneqarnissaa.
- Imm. 15** Maniitsumi suliffeerukkallarnermi ikiorsiissutit pillugit 2010-mut ukiunullu tulluuttunut aningasaliissutinut ilassutissatut qinnuteqaat.
- Imm. 16** Kangaamiuni iliveqarfimmut aqqusineq majuartarfiillu.

**Suliassat nalinginnaasut**

- Imm. 17** Qeqqata Kommuniani kommunip susassa qarfiisa ingerlanneqarneri pillugit ileqqoreqqusap allannguuteqartinnera.
- Imm. 18** Pilersaarusiornermi periusissaq.
- Imm. 19** ISA-p aqqissuussaananeranut siunnersuut

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

- Imm. 20** Maniitsumi Atuarfik Kilaaseeqqami ilinniartitsisut sulilersussat immikkut isumaqatigiissuteqarluni atorfinittarsinnaanerannik siunnersuut.
- Imm. 21** Kommunip suliassaataanik sulariumannittussarsiuussineq – Teknikkimut Avatangiisinullu immikkoortortaq.
- Imm. 22** Ulluunerani meeqqerivinni nerisaqartitsinerup sulariumannittussarsiuunneqarnissaa – Ilinniartitaanermut immikkoortortaq.
- Imm. 23** Qeqqussat tuniniagassiarineqarsinnaanerisa misissorneqarnerat.
- Imm. 24** Tunisinissaq siunertaralugu tunisassioortarneq pillugu Qeqqata Kommuniani aalisartunut piniartunullu ataatsimeersuartitsinissamik siunnersuut.
- Imm. 25** Karl Davidsen-ip apeqquteqaatai.
- Imm 26** Kommunimi pilersaarummut tapiliussaq 38.
- Imm 27** ukiumut pisassiiffiusumut 2010-2011-mut qaqortanik qernertanillu qilalugarniarnissamut pisassiissutinik agguaassinissaq pillugu siunnersuummut tusarniaanermut akissutissaq.
- Imm. 28** Tamalaat.

**Qeqqata Kommunua - Kommunalbestyrelsen juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Ataatsimiinneq aallartippoq nal. 8:30

Ataatsimiinneq oqarasuatikkut videokonferencilu atorlugu ingerlanneqarpoq

*Peqataasut:*

***Atassut***

Søren Alaufesen, Sisimiut

Karl Davidsen, Maniitsoq

Bitten Heilmann, Maniitsoq

***Inuit Ataqaqtiit***

Ane Marie Schmidt Hansen, Sisimiut

Anda Berthelsen, Sarfannguit

Regine Petrussen, Sisimiut – Katrine Larsen Lennertimut taataalluni

Olga Berthelsen Ljungdahl, Sisimiut

Beathe Poulsen, Atammik

***Siumut***

Hermann Berthelsen, Sisimiut

Karl Lyberth, Maniitsoq

Marius Olsen, Sisimiut – Evelyn Frederiksenimut taartaalluni

Alfred Olsen, Sisimiut

Efraim Olsen, Kangaamiut

Hans Frederik Olsen, Sisimiut

Morten Siegstad, Sisimiut

*Nalunaaruteqarlutik peqataanngitsut:*

Evelyn Frederiksen (S)

Katrine Larsen Lennert (IA)

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Oriumi illuarassamut tunngasoq sumut killinnersoq tamalaani apeqqutigineqassaaq (Anda Berthelsen, Marius Olsen)

Imm. 15-imi Bitten Heilmann peqataassanani nalunaarpoq.

Oqaluuserisassat akuersissutigineqarput.

**Imm. 02 Borgmesterip nalunaarutaa**

**Aalajangiineq**

Borgmesterip nalunaarutaa oqaaserineqartut ilanngullugit tusaatissatut tiguneqarpoq.

**Imm. 03 Ataatsimiititaliani siulittaasut nalunaarutaat**

**Aalajangiineq**

Ataatsimiititaliani siulittaasut nalunaarutaat oqaaserineqartut ilanngullugit tusaatissatut tiguneqarput.

**Imm. 04 Illuutit inuutissarsiorfiusut aserfallatsaalineqarnissaannut aningaasaliissutinik  
nuutsineq pillugu paasissutissiissut**

*Journalnr. 06.01.03 konto 36*

Tunuliaqutaq

Kommunip illuutimi inuutissarsiorfiusut 18-it attartortittakkani aserfallatsaalineqarnissaanut 2010-mut missingersuutitigut 296.000 koruuninik immikkoortitsinikuuvoq, soorluttaaq illuutit taakkununga attartortittakkanut pineqartunut 3,9 mill. koruuninik attartornermi isertitaqaataaffissatut missingersuusiorfiusut. Illuutit ilaat aserfallatsaalineqarnissaannut kontomik pilersitsiviusermanatil isertitaqarfissatuinnaq missingersuusiorfigineqarsimapput.

Maleruagassatigut tunngavissat

Kommuni illuutininik piginnittutut, illuutut aserfallatsaalineqarnissaannut pisussaataavaoq. Attartugassanut ataasiakkaanut attartornermi isumaqatigiissutit naapertorlugit, illuutit silatiisa aserfallatsaalineqarnissaanut. Kommunip attartortittagaani ilaanni atortut aalajangersimasut aserfallatsaalineqarnissaat kommunip aamma akisussaaffigaa.

Pissutsit atuuttut

B-1280 Oqaatsinik Pikkorissarfimmik attartortup illup silataata 325.000 koruunit nalinginut qalipanneqarnissaa kissaatigaa, illumik eriagisassamik B-18 takornarialerivimmik attartortup illup qaliata 80.000 koruunit nalinginut qalipanneqarnissaa kissaatigaa kiisalu B-733 tamakkerluni qalipanneqarneratigut meeqqerivik Sisi-p qalipanneqarnerani illup tamakkerluni qalipanneqarnerata affaa akileqartussaammat 42.000 koruuninik naleqassaaq. Illuutit silatiisa aserfallatsaalineqarnissaanut kissaatit tamakkerlutik 447.000 koruuninik naleqarput, taamaattumillu konto 36-mi aserfallatsaalinnissamut aningaasat immikkoortinneqarsimasut sipporneqangaatsiassallutik, attartornermimi isumaqatigiissutit naapertorlugit illuutit iluisa aserfallatsaalineqarnissaannut kommuni aamma pisussaaffeqarami. Kontoqarfik 36-mi aserfallatsaalinnissamut aningaasat immikkoortinneqarsimasut eqqarsaatigalugit ukiut siuliini pisariaqartuunnaat innaallagisserisunit ruujorilerisuniillu aserfallatsaalineqartarsimapput. Silatiisa aserfallatsaalineqarnissaat pilersaarutigineqartarsimangilaq.

Aningaasaqarnikkut allaffissornikkullu kingunerisinnaasai

Illuutit aserfallatsaalineqarnissaanut ukiumut aningaasat qanoq amerlatigisut atorineqassanersut pillugit maleruagassaqanngilaq. Nallersuussilluni paasissutissiissutigineqarsinnaavoq, A/S Inissiaatileqatigiiffik INI-p Sisimiuni immikkoortortaqarfiani ukiumut kvadratmeterimut 259 koruunit 2010-mut missingersuusiarineqarsimammata. Kommunip illuutai inuutissarsiorfiusut attartortittakkat katillugit 6740 kvadratmeteriusut assinganik aserfallatsaalineqassappata, aserfallatsaalinnissamut katillugit ukiumut 1.745.000 koruunit immikkoortinneqartassagaluarput.

Aserfallatsaalinerit akissarsiatigut malunnaataasaqaat, pingaartumik qalipaasunut akissarsiasatut aningaasartuutit annertusarlutik, tamatumalu saniatigut suliassat piaartumik aallartinneqarsinnaallutik upernaaru aallartinneqarsinnaapput. Maannakkut sanaartornermi pissutsit taamaatsillugit suliffissaaleqisut arlaqarmata, illuutit silatiisa qalipanneqarnissaat suliffissaaleqisunit suliassaqaataasinnavoq.

**Qeqqata Kommunia - Kommunalbestyrelsen juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Tullinnguuttunit 750.000 koruuninik nuutsinikkut ukioq manna kontoqarfik 36-mi aserfallatsaalinnissamat ataatsimut nutaamik kontoliisoqarnissaa innersuussutigineqarpoq:

Konto:	Taaguutaa:	Aningaasat, Kr
74-10	Utoqqaat angerlarsimaffiani kuuffissuit nutarterneqarnissaat	200.000
74-11	Utoqqaat angerlarsimaffiani, init marluk allangortinneqarnissaat	50.000
75-31	Naluttarfik, pilersaarutissatut siunnersuut	500.000
	Illuutit aserfallatsaalineqarnissaannut aningaasat konto 36-mut nuunneqartussat katillugit	750.000

Missingersuusiarineqarsimasunut sanilliullugu naatsorsuutigisamit assasortunut annikinnerusumik aningaasartuuteqarfiulluni Utoqqaat angerlarsimaffiani kuuffissuit inillu marluk iluarsartuunneqarnerat naammassineqareerlutik atulereerput, taamaattumillu sanaartornermi aningaasat siunertamut immikkoortinneqarsimasut sinneri atunngitsuukkat siunertanut allanut nuunneqarsinnaallutik.

Naluttarfimmut atatillugu 176.000 koruunit sinneruttut ilusilersuinissamik pilersaarusionerme siunnersuutitut pilersaarutip ingerlateqqinneqarnissaanut naammassangatinneqarput. Aserfallatsaalinnissamat kissaatit maannamut tiguneqarsimasut 447.000 koruuninik aningaasartaqartut saniatigut illuutitut aserfallatsaalineqarnissamik pisariaqartitsisut, pingaartumik amutsiveqarfimmi illuutit silatiisa aningaasat sinneruttut atorlugit aserfallatsaalineqarnissaat aallartinneqassaaq.

Allaffeqarfiup naliliinera

Qullersaqarfiup Sulisitsisullu peqatigiiffiata akornanni 2010-mi aprilip 16-iani ataatsimiinnermi isumaqatigiissutigineqarpoq, annerusumik aserfallatsaalisoqarnissaanik kommuni sulissuteqarniasasooq, sulisitsisullu akinik appasissunik neqeroorteqassasut.

Allaffeqarfik isumaqarpoq, illuutit inuutissarsiorfiusut annerusumik aserfallatsaalineqarnissaat upernaaru aallartinneqarunik, akisoorsuunngikkaluamik aserfallatsaalinnissat suliarineqarsinnaasut, soorluttaaq suliffissaaleqisut ikilisinneqarsinnaasut

Illuutit inuutissarsiorfiusut silatiisaa qalipanneqarnissaannut tunngatillugu ukiorpaalunni aningaasaliisoqarsimangimmat illuutitik nakkutilliisooq isumaqarpoq, illuutit arlaqartut qalipanneqarnissaanik pisariaqavissooq. Illuutit silatiisa qalipanneqarnissaannik pisariaqarluinnartutut illuutitik nakkutilliisup naliliiffigisai tassaapput: B-18 Takornarialerivik, B-733B allaffik, B-1280 Oqaatsinik Pikkorissarfik aamma amutsiveqarfimmi B-1 + B-1436.

Illuutit pingasut aserfallatsaalineqarnissaannut aningaasanik immikkoortitsiviunngitsunut 2011-mut ukiunullu tulluuttunut missingersuutitigut aningaasanik immikkoortitsisoqartariaqarpoq. Illuutit pineqartut tassaapput:

- B-1845 Taseralik Konto 36-00-12,
- B-51+961 Toqqorsivik Konto 36-00-17 aamma
- Kangerlussuarmi DMI-p illuutikua Konto 36-03-30.

Tamatuma saniatigut ulluutit pisariaqavissumik silatiisa aserfallatsaalineqarnissaannut siunissami aalajangersimasumik aningaasartalimmik aserfallatsaalinnissamat ataatsimut kontoqalersinnaaguni pitsaassagaluarpoq.

**Qeqqata Kommunua - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 11-ani 2010-mi ataatsimiinnermini suliaq suliarivaa.

Borgmesterip suliamik suliarinninnera

Siuliani nassuiaatigineqartutut immikkoortoq 36-mi aserfallatsaalinissamut ataatsimoortumik nutaamik kontossamut 2010-mut missingersuutinit 750.000 kooruninik nuutsisoqarnissaanik, illuutillu aserfallatsaalineqarnerisa annertusineqarnissaat, maajip 12-ani 2010-mi kommunalbestyrelsi sinnerlugu borgmesteri aalajangiivoq.

Aalajangiineq pillugu kommunalbestyrelsi tullissaanik ataatsimiileruni ilisimatinnegassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Sisimiuni Kangerlussuarmilu konto 36-mi illuutit inuutissarsiorfiusut attartortittakkat takussusiornera.

**Imm. 05 Nasiffimmik pilersitsineq pillugu paasissutissiissut**

*Journalnr. 22.00*

Tunuliaqutaq

Maniitsup ineriartortinneqarnissaa pillugu Maniitsumi innuttaasut suleqatigiit nalunaarusiaanni suliniutitut sunnersuutaat assigiinngitsut suliniutigineqaqqinnissaat Kommunalbestyrelsip 2010-mi februaarip 23-ani ataatsimiinnermini eqqartorjaa. Nasiffimmik pilersitsisinnaanermik siunnersuut Teknikkimut avatangiisinullu immikkoortortaqaqfiup misissuiffigisimavaa.

Pissutsit atuuttut

Nasiffimmik siunertaavoq, Maniitsup eqqaani nunap nuannersorsuup aamma illoqarfik qanittunnguullugu aasaanerani arferit avaquttut takornarissanut illoqarfimmilu innuttaasunut nuannaarutaa-sarniassammata.

Nasiffimmik inissiinissamut najguaqarfiup Tunoqqussaaq saavani qaqqaq piukkunnartuuvoq. Tassangaaniit takuneqarsinnaasoq annertuujuvoq, illoqarfimmuut imaanullu qanittunnguuvoq, kaassuartakkanut atuisunut appakaaffissamik pilersitsisoqarsinnaavoq aammalu nuna qanillingaat-siarlugu arferit avaquttarput.

Nasiffiusinnaasumik inissiivissatut inissiivissanik assigiinngitsunik marlunnik A aamma B siunnersuusiortoqarnikuuvoq. B majuarissamik annertujaartumik pilersitsinissamik piunasaqarfiuvoq, taamaattumillu akisunerussalluni, kisianni B avannamut qaqqanut portusuunut inngigissunullu isikkiveqarpoq, tamannalu Maniitsup eqqaanut ilisarnaataalluarpoq. A-tut inissiivimmiit taakku takuneqarsinnaassanngillat, taamaalillunilu misigisassaq annertoq annaaneqassalluni.

Aningaasaqarnikkut allaffissornikkullu kingunerisinnaasai

Inissiivimmi B-mi majuarissamik aamma isikkivimmik pilersitsinissaq 290.000 koruunit missaani akeqarnissaa nalilerneqarpoq.

Inissiivimmi A-mi majuarissamik aamma isikkivimmik pilersitsinissaq 145.000 koruunit missaani akeqarnissaa nalilerneqarpoq.

Inuutissarsiutit ineriartortinneqarnissaanut, taakkununga ilanngullugu innuttaasut suliunitaannik ingerlatitseqqinnissamut tapiissuteqarnissamut kommunalbestyrelsi kontomi 37-mi 245.000 koruuninik immikkoortitsinikuuvoq. Taakkunanga 225.000 koruunit pigineqarput.

Amigaatigineqartut 65.000 koruunit aputaajaasarnerninngaaniit nuutsinneqarsinnaapput, tamatumani aperpiartanninneranik atuineq appasittarmat.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Naak akisunerugaluartoq B-tut inissiivissaq inassutiginarneruvoq. Naak assimi takusinnaasaq annikitsutut isikkoqaraluartoq, B-miit qaqqat portusuut takuneqarsinnaanerat allannguuterujussuuvoq.



**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Teknikkimut avatangiisinullu immikkoortortap innersuussutaa

Teknikkimut avatangiisinullu immikkoortortap Teknikkimut avatangiisinullu ataatsimiititaliamut innersuussutigaa,

Inissiivimmi B-mi nasiffimmik pilersitsisoqassasoq

Suliassaq konto 3701203502, inuutissarsiutinut ineriartortitsinissamut tapiissutit 225.000 koruunik aamma kontomii 2101201200 aputaajaaneq, allanit sullinneqarnermit 65.000 koruunik aningaasalersorneqassasoq

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini aalajangerpaa konto 75-imit, Sunngiffimmi ornittakkat 200.000 koruunit aamma konto 37-mit, Inuutissarsiutinut ineriartortitsinissamut tapiissutit 90.000 koruunit aningaasaliissutigineratigut inissiivimmi B-mi nasiffimmik pilersitsisoqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap maajip 11-ani 2010-mi ataatsimiinnermini suliaq sularivaa.

Borgmesterip suliamik sularinninnera

Konto 75-imit, Sunngiffimmi ornittakkat 200.000 koruunit aamma konto 37-mit, Inuutissarsiutinut ineriartortitsinissamut tapiissutit 90.000 koruunit aningaasaliissutigineratigut inissiivimmi B-mi nasiffimmik pilersitsisoqassasoq, maajip 12-ani 2010-mi kommunalbestyrelsi sinnerlugu borgmesteri aalajangiivoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Nunap assinga

**Imm. 06 Sisimiuni bussinik ingerlatsineq pillugu paasissutissiissut**

*Journalnr. 70.03.15*

Tunuliaqutaq

Teknikkimut Avatangiisinullu Ataatsimiititaliap 09/2009 novembarip 3-ani 2009-mi ataatsimiinnermini aalajangerpaa, Qeqqata Kommuniani bussinut ingerlatsineq namminersortunngorsarneqasasooq.

Teknikkimut Avatangiisinullu Ataatsimiititaliap 02/2010 marsip 2-ani 2010-mi ataatsimiinnermini akuersissutigaa, bussinik ingerlatsineq namminersortunngorsarneqarnerani suliariumannittussarsiuussinermi atortussatut suliaasut naammaseqasasut suliallu saqqummiunneqarneranut tassungalu ilanngussat naapertorlugit suliariumannittussarsiuussisoqasasooq.

Aalajangiunneqarsimasorlu Aningaasaqarnermut Ataatsimiititaliap 02/2010 marsip 9-ani 2010-mi ataatsimiinnermini akuersissutigaa, taamaattorli ataasiakkaanik iluarsiiisuteqarluni.

Maleruagassatigut tunngavissaq

Teknikkimut Avatangiisinullu Ataatsimiititaliaq konto 2-mut akisussaasuvoq, taamaalilluni aamma kommunip busiinik ingerlatsinermut.

Taamaattorli Sisimiuni meeqqat atuartut konto 51 atorlugu buskorteqartinneqarnerinut bussinik ingerlatsinermut isertitsissutaasarput, taamaalillunilu ilinniartitaanermut, kulturimut sunngiffimmilu ataatsimiititaliap akisussaaffiata ataaniilluni.

Tamatuma saniatigut Sisimiuni utoqqalinermi siusinaarlunilu pensionisialinnut konto 47 atorlugu buskorteqartitsinermi tunisanit bussinik ingerlatsinermi isertitsissutigineqartarput, taamaalillunilu ilaqutariinnermut ataatsimiititaliap akisussaaffiata ataaniilluni.

Pissutsit atuuttut

2010-mi aprilip 23-ani suliariumannittussarsiuusisoqarpoq. Bussinik ingerlatsinissamut tigusinissamullu suliffeqarfiit pingasut neqerooruteqarput. Suliariumannittussarsiuussinermi inernerusut ilanngussaq 2-tut ilanngunneqarput.

Polarentreprise-mit neqeroorut neqeroorutini iluatinnarnerpaavoq, bussit 800.000 koruunilerlugit pisiariniarlugit neqeroorpoq, ukiunilu tallimani tulluuttuni ukiumut ingerlatsineq 1.500.000 koruuneqartinniarlugu.

Aningaasaqarnikkut allaffissornikkullu kingunerisinnaasai

Sisimiuni bussinik ingerlatsinermi atugassanik missingersuusiornermi konto 27-21-mut 427.000 koruunit immikkoortitaapput.

Siuliini aningaasat taaneqartunut tunngatillugu pisisoqarnissaa ilanngunneqanngilaq, taamaalillunilu bussinut tunngatillugu ukiumut nalikilliiisoqartarluni. Tassunga tunngasut kommunip missingersuutaani sanaartugassanut kontomi nalinginnaasumik inissitaasarput, siunissamilu ukiumut agguaqatigiisillugu 550.000 koruuninik sipaarfiusassaaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aammattaq Sisimiuni kommunip entreprenøreqarfissaanik nutaamik sanaartornissaq ukiuni arlalinni pilersaarutaanikuvoq, taamalilluni illup iluani iluameersumik bussinut uninngasarfeqaler-sinnaassamat. Nutaamik entreprenøreqarfiliornissaq sipaarutaasinnaangussaaq, tamannalu agguaqatigiisillugu ukiumut 100.000 koruunik sipaaruteqarfiussalluni.

Meeqqat buskoorteqarnerinut illoqarfiusup busiinik ingerlatsinermi kontomit 2009-mi Mingor-tunnguup Atuarfianut 70.000 koruunit missaani Nalunnguarfiullu Atuarfianut 40.000 koruunit atorneqarsimapput. Meeqqat buskoorteqarnerinut akigitinneqartut siunissami akikinnerulerneratigut aningaasat taakku pingajorarterutingajaatut annertutigisut, tassa 35.000 koruunit nalingi sipaarne-qarsinnaalissapput.

Pensionillit buskoorteqarnerinut Utoqqarnik isumaginninnermi 2009-mi 706.200 koruunit atorne-qarput. Akigitinneqartut siunissami akikinnerulerneratigut 535.000 koruunit aningaasartuutaasasapput, taamalilluni kontomi tassani 170.000 koruunit sipaarneqarsinnaalissapput.

Bussinik sillimasiinermi 75.000 koruunit bussinilla aquttunut sillimasiinermi 25.000 koruunit missaani allaffissornermi sipaarneqarsinnaalissapput. Taakku saniatigut bussertitsinermi isertitat bussinilla ingerlatsinermi allaffissorneq sipaarfiusinnaalissaaq. Tassunga tunngasut naatsorsorumi-naapput, ukiumulli 200-300.000 koruunit missaani naleqqassagunaruni.

2010-mi immikkut isertitassanit aningaasaliissutit katillugit 587.000 koruuniussapput, iluatinnar-nerpaamik neqerooruteqartumut kommunip busiinik tunisineq tassani annermik patsisaavoq.

**2010-mut missingersuutit**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
18-02-00	Sillimasiissutit	4.329.000	- 50.000	4.279.000
27-21-1X	Sisimiuni bussinik ingerlatsineq	427.000	323.000	750.000
47-15-10	Pensionilinnut buskoortit	718.000	- 43.000	675.000
51-01-XX	Atuartunut buskoortit	110.000	- 17.000	93.000
86-XX	Bussinik tunisineq	0	- 800.000	- 800.000
Katillugit		5.584.000	- 587.000	4.997.000

2011-mut ukiunullu missiliuteqarfiusunut aningaasaliissutit pisariaqartitat katillugit 768.000 koruuniupput.

**2011-mut missingersuutit ukiullu missiliuteqarfiusut**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
18-02-00	Sillimasiineq	4.329.000	- 100.000	4.229.000
27-21-1X	Sisimiuni bussinik ingerlatsineq	427.000	1.073.000	1.500.000
47-15-10	Pensionilinnut buskoortit	718.000	- 170.000	548.000
51-01-XX	Atuartunut buskoortit	110.000	- 35.000	75.000
Katillugit		5.584.000	768.000	6.352.000

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Bussinik pisinniarnissap bussinullu uninngasarfiliorinissap pisariaarunneratigut agguaqatigiisillugu ukiumut 650.000 koruuninik sipaaruteqarfiusussaammat, Teknikkimut Avatangiisinullu Immikkoortortami 118.000 koruunit 'kisimik' sipaarutissatut iluarsisutaassapput.

Qullersaqarfiup oqaaseqaataa

Qullersaqarfik isumaqarpoq, aningaasarliortoqarnerata kingunerisaanik isertitat appariaateqaraneratigut sukangasumik aningaasanik aqutsisoqartariaqartoq. Taamaalilluni sanaartugassani sipaarutaa-sussat eqqaassanngikkaanni, allatigut sipaarutissanik ujartuisoqartariaqartoq.

Allaffeqarfiup naliinera

Bussinut ilaasartunik kiffartuusineramik ajorseriaataanngitsumik bussinik ingerlatsinerup ingerlaan-narnissaa, ilanngullugu suliariumannittussarsiuussinissamut atortussani eqqarsaatigineqareerpoq.

Allaffeqarfik isumaqarpoq, teknikkimut avatangiisinullu ataatsimiititaliap Sisimiuni susassaqrifiini 118.000 koruunit nalinginnaasumik sipaarutigineqarsinnaassasut.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 11-ani 2010-mi ataatsimiinnermini suliaq suliarivaa.

Borgmesterip suliamik suliarinninnera

Maajip 12-ani 2010-mi kommunalbestyrelsi sinnerlugu borgmesteri aalajangiivoq

Suliariumannittussarsiuussinermi inernerusut akuersissutigineqassasut.

2010-mut missingersuutini katillugit 587.000 koruuninik immikkut aningaasaliissuteqartoqassasoq, 2010-mut missingersuutit matuma siuliini eqitsit takuuk.

2011-mut missingersuutitigut ukiunilu missiliuteqarfiusuni 650.000 koruuninik immikkut aningaa-saliissuteqartoqassasoq, taamatullu teknikkimut avatangiisinullu ataatsimiititaliaq, 2011-mi ukiunilu missiliuteqarfiusuni 118.000 koruuninik sipaarutissanik nassaarniassasut - matuma siuliini eqitsit takuuk

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Sisimiuni bussinik ingerlatsinermi suliariumannittussarsiuussinermi atortussat
2. Sisimiuni bussinik ingerlatsinermi suliariumannittussarsiuussinermi inernerusut

**Imm. 07 Maniitsumi bussinik ingerlatsineq pillugu paasissutissiissut**

*Journalnr. 70.03.15*

Tunuliaqutaq

Teknikkimut Avatangiisinullu Ataatsimiititaliap 09/2009 novembarip 3-ani 2009-mi ataatsimiinnermini aalajangerpaa, Qeqqata Kommuniani bussinut ingerlatsineq namminersortunngorsarneqasasooq.

Teknikkimut Avatangiisinullu Ataatsimiititaliap 02/2010 marsip 2-ani 2010-mi ataatsimiinnermini akuersissutigaa, bussinik ingerlatsineq namminersortunngorsarneqarnerani suliariumannittussarsiuussinermi atortussatut suliaasut naammaseqasasut suliallu saqqummiunneqarneranut tassungalu ilanngussat naapertorlugit suliariumannittussarsiuussisoqasasooq.

Aalajangiunneqarsimasorlu Aningaasaqarnermut Ataatsimiititaliap 02/2010 marsip 9-ani 2010-mi ataatsimiinnermini akuersissutigaa, taamaattorli ataasiakkaanik iluarsiiisuteqarluni.

Maleruagassatigut tunngavissaq

Teknikkimut Avatangiisinullu Ataatsimiititaliaq konto 2-mut akisussaasuvoq, taamaalilluni aamma kommunip bussiinik ingerlatsinermut.

Maniitsumi atuartut bussinut ilaassutissaannik allagartanik pisissutissanik Sisimiunituulli konto 51-mi imaluunniit utoqqalinersiutilinnut siusinaartumillu pensionilinnut konto 47-mi aningaasaliissuteqanngilaq.

Pissutsit atuuttut

2010-mi apriliip 23-ani suliariumannittussarsiuusisoqarpoq. Bussinik ingerlatsinissamut tigusiinissamullu suliffeqarfiit marluk neqerooruteqarput. Suliariumannittussarsiuussinermi inernerusut ilanngussaq 2-tut ilanngunneqarput.

Neqeroorutit pitsaanersaat Karl Therkelsen-imiit tunniunneqarnikuvoq, tassa bussinik ukiumi tallimani ingerlatsinissani ukiumut 2.295.000 koruuninik akeqartinniarlugu neqeroorutigimmagu. Taamaakkaluarli Karl Therkelsen-ip paasissutissiissutigivaa, bilitsitigut isertitassat bussinullu ilaassutissanik allagartanik pisinerni isertitassat neqerooruteqartumut tuttussaannerat nammineq isiginiarsimanginnamiuk.

Atuartunut pensionilinnullu bussinut ilaassutissanik allagartarsinermi 900.000 koruuninik aningaasartuuteqarnissaq naatsorsuutigineqarmat, neqeroorut 1.395.000 koruuneqartussaavoq.

Aningaasaqarnikkut allaffissornikkullu kingunerisinnaasai

Maniitsumi bussinik ingerlatsinermi atugassanik missingersuusionermi konto 27-21-mut 500.000 koruunit immikkoortitaapput.

Siuliini aningaasat taaneqartunut tunngatillugu pisisoqarnissaa ilanngunneqanngilaq, taamaalillunilu bussinut tunngatillugu ukiumut nalikilliliisoqartarluni. Tassunga tunngasut kommunip missingersuutaani sanaartugassanut kontomi nalinginnaasumik inissitaasarput, siunissamilu ukiumut agguaqatigiisillugu 400.000 koruuninik sipaarfiusassaaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aammattaq bussit illup iluani pitsaasumik inissaqartinneqarnissaat pisariaqassaaq. Taamaattumik sanaartornissaq sipaarutaasinnaassaaq, tassa akikinnerpaamik neqerooruteqartumik isumaqati-giissuteqartoqassappat, ukiumullu agguaqatigiisillugu 80.000 koruuninik sipaaruteqarfissatut naatsorsorneqarsinnaalluni.

Atuarfimmik ingerlatsinermi kontotigut kiisalu utoqqarnik paaqqinninnikkut bussinik ilaassutissanut aningaasartuuteqartoqarnissaa ilaatinneqanngilaq. Aningaasartuutissat tamakku naatsorsuutigineqarlutik 70.000 aamma 400.000 koruuniussasut.

Ataatsimut katillugit 2010-mi 433.000 koruuninik immikkut aningaasaliissuteqartoqarnissaa pisariaqassaaq, tamatumani peqqutaanerpaalluni ukioq naallugu aningaasaliissutissanik immikkoortitsisoqarnera, bussinilli ingerlatsineq aatsaat ukiup affaani kingullermi aallartissalluni.

**2010-mut missingersuutit**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
27-21-20	Maniitsumi bussinik ingerlatsineq	500.000	198.000	698.000
47-15-20	Pensionilinnut buskoortit	0	200.000	200.000
51-01-20	Atuartunut buskoortit	0	35.000	35.000
Katillugit		500.000	433.000	933.000

2011-mut ukiumullu missiliuuteqarfiusunut aningaasaliissutit pisariaqartitat katillugit 1.365.000 koruuniupput.

**2011-mut missingersuutit ukiullu missiliuuteqarfiusut**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
27-21-20	Maniitsumi bussinik ingerlatsineq	500.000	895.000	1.395.000
47-15-20	Pensionilinnut buskoortit	0	400.000	400.000
51-01-20	Atuartunut buskoortit	0	70.000	70.000
Katillugit		500.000	1.365.000	1.865.000

Bussinik pisinniarnissap bussinullu uninngasarfiliorinissap pisariaarunneratigut agguaqatigiisillugu ukiumut 480.000 koruuninik sipaaruteqarfiusussaammat, Teknikkimut Avatangiisinullu Immikkoortortami 405.000 koruunit, utoqqarnik isumaginninnermi 400.000 koruunit meeqqallu atuarfiini 70.000 koruunit 'kisimik' sipaarutissatut iluarsiiisutaassapput.

Qullersaqarfiup oqaaseqaataa

Qullersaqarfik isumaqarpoq, aningaasarliortoqarnerata kingunerisaanik isertitat appariaateqaraneratigut sukangasumik aningaasanik aqutsisoqartariaqartoq. Taamaalilluni sanaartugassani sipaarutaa-sussat eqqaassanngikkaanni, allatigut sipaarutissanik ujartuisoqartariaqartoq.

Qullersaqarfik isumaqarpoq, akikinnerpaamik neqerooruteqartoq isumaqatigiinniarfigisariaqartoq, allatigut sipaarutissanik nassaartoqarsinnaanngippat. Kiffartuussinerup appartinnissaa, soorlu ingerlaartarnerit Sisimiunituut Kangerlussuarmituullu akornannut inissillugit annikillissillugit imaluunniit bussit angallaviunerpaanerata nalaani pinngitsoorani angalasarnissaa taamatillugu.

**Qeqqata Kommunua - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Allaffeqarfiup naliinera

Allaffeqarfik nalilivoq, Maniitsumi teknikkikkut avatangiisitigullu ataatsimiititaliap ingerlatsinikkut susassaqrifiisa iluini 405.000 koruuninik sipaaruteqarsinnaanissaq ajornakusuussasoq, kisiannili nalinginnaasumik sipaaruteqarnikkut 200.000 koruunit pissarsiarineqarsinnaasallutik.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 11-ani 2010 ataatsimiinnermini suliaq suliarivaa.

Borgmesterip suliamik suliarinninnera

Maajip 12-ani 2010-mi kommunalbestyrelsi sinnerlugu borgmesteri aalajangiivoq,

neqerooruteqartoq akikinnerpaaq, bussit angallaviunerpaanerata nalaani pinngitsoorani angalasarnissaa aamma/imaluunniit sapaatip akunnerisa naanerini sivikinnerusumik angalasarnissaat anguniarlugu minnerpaamik 200.000 koruuninik sipaaruteqartoqarsinnaanissaanik isumaqatigiinniarnera aallartinneqassasut

teknikkimut avatangiisinullu ataatsimiititaliap, ilaqutariinnermut ataatsimiititaliap kiisalu kulturimut sunngiffimilu ataatsimiititaliap susassaqriffimi iluini 2010-mi sipaarutissanik iluarsissuteqassasut, takuuk matuma qulaani 2010-mut eqitsit

2011-mut missingersuutitigut ukiunilu missiliuteqarfiusuni 480.000 koruuninik immikkut aningaasaliissuteqartoqassasoq, taamatullu teknikkimut avatangiisinullu ataatsimiititaliap, ilaqutariinnermut ataatsimiititaliap kiisalu ilinniartitaanermut-, kulturimut- sunngiffimmullu ataatsimiititaliap 2011-mi ukiunilu missiliuteqarfiusuni bussinik ingerlatsinissamut, matuma qulaani eqitsit takuuk - sipaarutissanik nassaarniassasut, kisiannili teknikkimut avatangiisinullu ataatsimiititaliap susassaqrifiisa iluini neqeroorummik appartitsinermi iluarsissutinut aaqqitaasumik

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Maniitsumi bussinik ingerlatsinermi suliariumannittussarsiuussinermi atortussat
2. Maniitsumi bussinik ingerlatsinermi suliariumannittussarsiuussinermi inernerusut

**Imm. 08 Kangerlussuarmi bussinik ingerlatsineq pillugu paasissutissiissut**

*Journalnr. 70.03.15*

Tunuliaqutaq

Teknikkimut Avatangiisinullu Ataatsimiititaliap 09/2009 novembarip 3-ani 2009-mi ataatsimiinnermini aalajangerpaa, Qeqqata Kommunianni bussinut ingerlatsineq namminersortunngorsarneqasasasq.

Teknikkimut Avatangiisinullu Ataatsimiititaliap 02/2010 marsip 2-ani 2010-mi ataatsimiinnermini akuersissutigaa, bussinik ingerlatsineq namminersortunngorsarneqarnerani suliariumannittussarsiuussinermi atortussatut suliaasut naammaseqasasat suliallu saqqummiunneqarneranut tassungalu ilanngussat naapertorlugit suliariumannittussarsiuussisoqasasq.

Aalajangiunneqarsimasorlu Aningaasaqarnermut Ataatsimiititaliap 02/2010 marsip 9-ani 2010-mi ataatsimiinnermini akuersissutigaa, taamaattorli ataasiakkaanik iluarsiiisuteqarluni.

Maleruagassatigut tunngavissaq

Teknikkimut Avatangiisinullu Ataatsimiititaliaq konto 2-mut akisussaasuvoq, taamaalilluni aamma kommunip busiinik ingerlatsinermut.

Taamaattorli Kangerlussuarmi meeqqat atuartut konto 51 atorlugu buskorteqartinneqarnerinut bussinik ingerlatsinermut isertissutaasarput, taamaalillunilu ilinniartitaanermut, kulturimut sunngiffimmilu ataatsimiititaliap akisussaaffiata ataaniilluni.

Tamatuma saniatigut Kangerlussuarmi utoqqalineri siusinaarlunilu pensionisialinnut konto 47 atorlugu buskorteqartitsinermi tunisanit bussinik ingerlatsinermi isertissutigineqartarput, taamaalillunilu ilaqutariinnermut ataatsimiititaliap akisussaaffiata ataaniilluni.

Pissutsit atuuttut

2010-mi apriliip 23-ani suliariumannittussarsiuusisoqarpoq. Bussinik ingerlatsinissamut tigusinissamullu suliffeqarfik ataaseq neqerooruteqarpoq. Suliariumannittussarsiuussinermi inernerusut ilanngussaq 2-tut ilanngunneqarput.

Ukiuni tallimani bussinik ingerlatsinissami Kang-byg ApS 1.499.000 koruuninik neqerooruteqarpoq.

Aningaasaqarnikkut allaffissornikkullu kingunerisinnaasai

Kangerlussuarmi bussinik ingerlatsinermi atugassanik missingersuusiornermi konto 27-21-mut 923.000 koruunit immikkoortitaapput.

Matuma siuliani akigititami atortuutit bussit Mittarfeqarfiit pigisaata naleqqussarnissaat naatsorsutigineqarsimangilaq. Tamannalu ukiumut agguaqatigiisillugu 200.000 koruuninik naleqartussat imaliinnarlugu naliligaalluni.

Kangerlussuarmi meeqqat atuarfiata ingerlatsinikkut kontoini konto 51-01-30-12-33-ikkut 233.000 koruunit bussinut ilaassutissanut immikkoortitaapput. Siunissami akit apparnissaat kiisalu atuartut 90-t eqqarsaatigalugit, siunissami aningaasaliissutit 153.000 koruuniususaassapput. Taamaalillunilu bussinik ingerlatsinermut 80.000 koruunit nuunneqarsinnaassallutik.

Illuatungaaticullu siunissami utoqqarnut ilaassutissat 4-t missiliuutini ilaatitariassallutik, tassa ullumikkumut atuuttut naapertorlugit.



**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

2010-mi immikkut isertitassanit aningaasaliissutit katillugit 243.000 koruuniussapput.

**2010-mut missingersuutit**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
27-21-30	Kangerlussiarmi bussinik ingerlatsineq	923.000	286.000	1.209.000
47-15-30	Pensionilinnut buskoortit	0	2.000	2.000
51-01-30	Atuartunut buskoortit	233.000	- 45.000	188.000
Katillugit		1.156.000	243.000	1.399.000

2011-mut ukiunullu missiliuuteqarfiusunut aningaasaliissutit pisariaqartitat katillugit 768.000 koruuniupput.

**2011-mut missingersuutit ukiullu missiliuuteqarfiusut**

Konto	Taagutaa	2010-mut missingersuutit	Immikkut aningaasaliissutit	2010-mut aningaasaliissutit
27-21-30	Kangerlussiarmi bussinik ingerlatsineq	923.000	576.000	1.499.000
47-15-30	Pensionilinnut buskoortit	0	4.000	4.000
51-01-30	Atuartunut buskoortit	233.000	- 80.000	153.000
Katillugit		1.156.000	500.000	1.656.000

Bussinik pitsanngorsaaniissap malitsigisaanik agguaqatigiisillugu ukiumut 200.000 koruuninik aningaasartooteqarfiunerusussamat, Teknikkimut Avatangiisinullu Immikkoortortap susassaarfiini 300.000 koruunit 'kisimik' sipaarutissatut iluarsiiisutaassapput.

Qullersaqarfiup oqaaseqaataa

Qullersaqarfik isumaqarpoq, aningaasarliortoqarnerata kingunerisaanik isertitat appariaateqaraneraticigut sukangasumik aningaasanik aqutsisoqartariaqartoq. Taamaalilluni sanaartugassani sipaarutaa-sussat eqqaassanngikkaanni, allatigut sipaarutissanik ujartuisoqartariaqartoq.

Allaffeqarfiup naliliinera

Bussinut ilaasartunut kiffartuussinermi pitsanngoriarnertut misiginarsinnaaqullugu, bussinik ingerlatsinerup ingerlaannarnissaa suliariumannittussarsiuussinermi atortussani ilanngullugu eqqarsaatigineqarpoq.

Allaffeqarfik isumaqarpoq, teknikkimut avatangiisinullu ataatsimiititaliap Kangerlussuarmi susassaarfiini 300.000 koruunit nalinginnaasumik sipaarutigineqarsinnaassasut.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 11-ani 2010-mi ataatsimiinnermini suliaq suliarivaa.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Borgmesterip suliamik suliarinninnera

Maajip 12-ani 2010-mi kommunalbestyrelsi sinnerlugu borgmesteri aalajangiivoq,

suliariumannittussarsiuussinnermi inernerusut akuersissutigineqassasut

teknikkimut avatangiisinullu ataatsimiititaliap susassaqarfimmi iluini 2010-mi katillugit 243.000 koruuninik sipaarutissanik iluarsiiisuteqassasoq, takuuk matuma qulaani 2010-mut eqitsit

2011-mut missingersuutitigut ukiunilu missiliuteqarfiusuni 200.000 koruuninik immikkut aningaa-saliisuteqartoqassasoq, taamatullu teknikkimut avatangiisinullu ataatsimiititaliaq, 2011-mi ukiunilu missiliuteqarfiusuni matuma siuliini eqitsit takuuk - 300.000 koruuninik sipaarutissanik nassaarniassasut.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Kangerlussuarmi bussinik ingerlatsinnermi suliariumannittussarsiuussinnermi atortussat
2. Kangerlussuarmi bussinik ingerlatsinnermi suliariumannittussarsiuussinnermi inernerusut

**Imm. 09 Kommunip pilersaarutaanut tapiliussaq nr. 37 pillugu paasissutissiissut**

*Journalnr 18.01.02*

Tunuliaqutaq

Iliveqarfiup allineqarsinnaanissaanut killiliussat sapinngisamik periarfissaqarluarnissaa aamma toqusunut biilit, ilerriat alakkaasullumi iliveqarfimmu ajornannginnerusumik appakaassinnanngornissaat Kommunalbestyrelsimi kissaatigineqarmat, kommunip pilersaarutaanut tapiliussaq una suliarineqarpoq. Kommunalbestyrelsimi kissaatigineqarportaaq, illoqarfiup takujuminassusia immikkoortumilu immikkuullarissuunera pigiinnarneqarlutillu pitsanngorsaavigineqassasut.

Taamaattumik Aningaasaqarnermut Ataatsimiititaliaq Kommunalbestyrelsi sinnerlugu 2009-mi maajip 22-ani aalajangiivoq, kommunip pilersaarutaanut tapiliussaq nr. 15-imi aamma kommunip pilersaarutaanut tapiliussaq nr. 29-mi sanaartorfissat marluk eqqaaneqartut § 24-mi sanaartorfioqquusaannginneri atorunnaarsineqassasut. § 24-mi sanaartoqqusinnigitsoqartillugu pilersaarusiornermut nutaamik tunngavissaqartitsisoqartariaqarpoq, tamannalumi kommunalbestyrelsimi kissaatigineqartut siusinnerusukku eqqaaneqarsimasut qulakkeerneqassappata pisariaqarpoq. Taamaalilluni kommunip pilersaarutaanut tapiliussaq una suliarineqarpoq.

Qeqqata Kommuniani Sisimiut illoqarfiata qiterpasissuani pilersaaruteqarfiusoq kommunip pilersaarutaanut tapiliussami pineqarpoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-meersumit issuaaneq:

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusiortitsinissaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaasaqarfiinut pilersaarusiorneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

§ 15. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutinik arlalinnik qinigasiilluni tamanut saqqummiussisinnaavoq.

§ 16. § 15, imm. 3 naapertorlugu piffissaliussaq naappat, kommunalbestyrelsip kommunimut pilersaarutissatut siunnersuut nutaamik suliareqqillugu, siunnersuut inaarutaasumik akuersissutigisinnavaa. Tamatuma peqatigisaanik tusarniaanerup ingerlanerani akerliliissutit allannguutissatullu siunnersuutit tiguneqartut suliarineqassapput.

§ 17. Kommunalbestyrelsi kommunimut pilersaarutissatut siunnersuutip inaarutaasumik akuersissutigineqareernerani pisariaqanngitsumik kinguarsaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasissutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigut allaassuteqarnersoq.

§ 18. Kommunalbestyrelsip pisariaqalernerani kommunimut pilersaarut nutartertassavaa.

§ 19. Kommunalbestyrelsi nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisinnaavoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagaliorinnaalluni, tak. §§ 15-17.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7, 26. februar 2009-meersoq

§ 1. Kommunalbestyrelsip nalunaarummi matumani maleruagassat malillugit pilersaarusionermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik atornerqarnissaannik qulakkeerinissamut suleqataanissaa nalunaarummi siunertarineqarpoq.

Pissutsit atuuttut

2009-mi juunip 17-i §24-kkut inerteqqut atuutilersinneqarnikuuvoq, taamaattumik ukioq ataaseq qaangiutsinnagu tassa 2010-mi juunip 17-ia qaangiutinnginnerani kommunip pilersaarutaanut tapiliussaq akuersissutigineqartariaqarluni.

Tusaarniaanerup ingerlanerani oqaaseqaatit arfineq marluk tiguneqarput:

\_\_Palaseqarfimmit uparuarneqarpoq, nunaminertat iliveqarfissatut immikkoortinneqarsimasut atornerqalinnginnerini manissarneqarlutillu kuuffilersorneqassasut.

\_\_Innuttaasoq Ludvig Olsen iliveqarfiup sioraani sanaartorfissanut akerliliivoq, pilersaarummulli tapiliussami taakku atorunnaarsinneqarmata tamanna paatsorsimanermik tunngaveqarpoq.

\_\_ Nuna tamakkerlugu pilersaarusionermi immikkoortortaqqarfimmit § 9, Aqquserngit, aqqusineeqqat biilinullu uninngasarfik uparuarneqarpoq, aqquserngup uuttuusernera kaajallaffissarlu aqqusiniornermi ilitersuummut maleruagassanut naapertuunnersut apeqquuserlugu. Tamanna misissorneqareerpoq, atuuttuuneralu paasineqarluni.

\_\_Oqaaseqaatit sinneri isumalluarpaluttumik imaqqarput, siunnersuut pitsaasutut uparuagassartaqqanngitsutullu isigalugu.

Aningaasaqarnikkut allaffissornikkullu kingunerisinnaasai

Kommunip pilersaarutaanut tapiliussap akuersissutigineqarnissaa.

Allaffeqarfiup naliliinera

Allannguutaasinnaasumik tusarniaanerup nalaani oqaaseqaammik tigusaqartoqqanngilaq. Tamanna pillugu Kommunip pilersaarutaanut tapiliussaq nr. 37-p akuersissutigineqarnissaa allaffeqarfiup aalajangiusimaannarpaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 4-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 11-ani 2010-mi ataatsimiinnermini suliaq suliarivaa.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Borgmesterip suliamik suliarinninnera

Maajip 12-ani 2010-mi kommunalbestyrelsi sinnerlugu borgmesteri aalajangiivoq, kommunip pilersaarutaanut tapiliussaq akuersissutigineqassasoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Kommunip pilersaarutaanut tapiliussaq nr. 37
2. Tusarniummut akissuteqaatit

## **Imm. 10 Qeqqata Kommunian Ilaqutariinnut sullissiviit pillugit paasissutissiissut**

### Tunuliaqutaq

Ilaqutariinnut aamma meeqqanut inuusuttunullu suliniutit nukittorsarniarlugit Sisimiuni Maniitsumilu ilaqutariinnut kiffartuussiviit pilersinneqarnikuupput.

Ilaqutariinnut kiffartuussiviit anguniagaat aammalu suliniuteqarfimminni suliniutaat siunertallit ilaqutariit ataasiakkaat meerartaaasa inuusuttaasalu perorsarneqarnerisa nukittorsarneqarnissaasa, ilaqutariit akunnerminni attuumassutilinnik kiisalu inuusuttunut suliniutit nukittorsarneqarnissaat kiisalu ataqatigiissarneqarnissaat pingaartillugit aallartinneqarput.

Qeqqata Kommunian ilaqutariinnik inerisaalluni sulinerup kingunerivaa, meeqqat inuusuttullu inuuniarnermikkut atugaasa sammeneqarnerulernissaat aammalu inuit ataasiakkaat ajornartorsiutaasa ersarinnerulernissaat, tamatumalu tamakkuninnga suliallit immikkooortumi suliniutinik sukkanerusumik suliaqarsinnaanissaat.

Sisimiuni Maniitsumilu kiffartuussivinni aqutsisut ataatsimiinnermi paasissutissanik tunniussinissamut piareersimassapput.

### Pissutsit atuuttut:

Ilaqutariinnut sullissinerup pitsaassusaa qaffakkumallugu, ilaqutariinnik sullissinnermut sulisut pikkorissarsinnaanissaat ilinniaqqissinnaanissaallu pingaaruteqarpoq. Soorlutaaq Ilaqutariinnut kiffartuussivinni marluusuni sulisut paariinneqarsinnaanerata unammillernartuusoq.

### Maleruagassatigut tungavissaq

Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersumi § 1. aamma § 35.

### Aningaasaqarnikkut kingunerisinnaasai

Ilaqutariinnut kiffartuussiviit akissarsianut aningaasartuutitut suliaassanullu nammineq aallartitanut Namminersorlutik Oqartussat tapiissutaannik 50 procentimik taperneqartarput.

### Ilaqutariinnermut immikkoortortap innersuussutaa

Qeqqata Kommunian Ilaqutariinnermut immikkoortortaqarfiup Ilaqutariinnermut ataatsimiititaliamut innersuussutigaa, illoqarfinit marluusunit nassuiaatit tusaatissatut tiguneqassasut. Aammattaaq inassutigineqarpoq, kiffartuussivinit marluusunit suliniutinut 2010 qiteqqunnerani ukiup affaanortumik nalunaarummik Ilaqutariinnermut ataatsimiititaliaq piniassasoq.

### Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap maajip 19-ani 2010-mi ataatsimiinnermini suliaq suliarivaa. Innersuussutigineqartoq akuersissutigineqarpoq, suliarlu Kommunalbestyrelsimut tusaatissatut ingerlateqqinneqassaaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. Maniitsoq Familiecenter – Ukioq 2009 nalunaarussiaq
2. Maniitsoq Familiecenter – Ukioq 2010 anguniakkat.
3. Sisimiuniit nalunaarussiaq 19. april 2010 kallaallisut qallunaatullu

**Imm. 11 KANUKOKA-p ataatsimeersuarnerata naammassineraniit paasissutissiineq**

*Journalnr. 12.01*

Tunuliaqutaq

KANUKOKA maajip 19-iani aamma 20-ni 2010-mi Ilulissani ataatsimeersuarpoq, tamatumani Qeqqata Kommuniata sinniisoralugit: Siulersuini ilaasortat Søren Alaufesen. Siulersuisuni taaseqataasinnaangitsut Herman Berthelsen. Allartitatullu: Karl Davidsen, Olga B. Ljungdahl-i Katrine Larsen Lennert-imut sinniisutut kiisalu Evelyn Frederiksen. Taaseqataasinnaanani peqataatitaallutik: Anda Berthelsen, Morten Siegstad aamma Paneeraq Olsen.

Pissutsit atuuttut

Ataatsimeersuarnissamat kommunit sisamaallutik tamarmik oqaluuserisassanut ilanngusaqarsimapput, tamatumani aqqissuusseqqinnerup kingunerisaanik KANUKOKA-p politikikkut allaffissornikkullu allangortinneqarnissaa pineqarluni, tamatumani ilaasortaanermut akiliutip 20 procentinik appartinneqarnissaa Qeqqata Kommuniata siunnersuutigalugu.

KANUKOKA-p politikikkut allaffissornikkullu aqqissuussaanerata oqallisiginerata kingunerivaa, kingusinnerpaamik oktobarip 31-ni 2010-mi immikkut ataatsimeersuortoqarnissaa, tamatumani siunissami Kalaallit Nunaanni Kommunit Kattuffiata aqqissuussaanermigut qanoq ilusilerneqarnissaa aalajangiiffiussalluni.

Tamatuma tungaanut suligasuartussamik ataatsimiititaliap qanoq ilusiliisoqarsinnaanerani siunnersuut suliarissavaa, taamaalilluni ukiamut tunngavilimmik aalajangiisoqassammat. KANUKOKA-mi siulersuisut ataatsimiititaliap suligasuartussap qanoq toqqammavilerluni suliniarnissaa aalajangissa-vaat. Toqqammavissatut siunnersuummi ilaatigut takuneqarsinnaavoq, ataatsimiititaliap suligasu-artussap matuma kinguliani taaneqartut pingaarnertut eqqarsaatigalugit siunnersuusiussasoq.

- KANUKOKA-p maanna politikikkut allaffissornikkullu aqqissugaanera
  - KANUKOKA-p maanna suliassai
  - KANUKOKA-p siunissami suliassarinnissaa
1. Suliassanik ingerlatassanillu kommunit siunissami KANUKOKA-mut isumagitikkumasaannik allaaserinnissapput
    - Kommuninut ataasiakkaanut tunngatillugu
    - Ataatsimut kommunini suleqatigiinnermut ilaasutut.
  2. Tulliutillugu suleqatigiissitat aqqissugaanikkut politikikkullu ilusissatut ikinnerpaamik marlunnik siunnersuusiussapput suliassat taakku suliarineqarnissaannik qularnaarinniffiusunik. Periutsini tamani piginnaatitaaffiit ingerlatallu aqqissugaanikkut politikikkullu immikkoortortanut ataasiakkaanut allaaserineqassapput.
  3. Kiisalu suleqatigiissitat periutsini marlunni tamani kommunit aningaasartuutaat (ilaasortaanermut akiliutaat) missingissavaat. Kommunimit pineqartumit tunngaviummik akiliutissat ilassutitullu akiliutissarsinerit ilanngunneqarsinnaapput.

Ataatsimiititaliami suligasuartussami ilaasortassaatut siunnersuutaallutik, kommunini pisortaanerit kiisalu KANUKOKA-p pisortaanera.



**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Naalackersuisut kommunillu akornanni suliassat agguataarneri eqqarsaatigalugit, politikikkut aqutsisussanik pilersitsisoqarpoq, tassanilu ilaasortaallutik Naalackersuisut Siulittaasuat Kuupik Kleist, KANUKOKA-p siulittaasua Enok Sandgreen kiisalu borgmesteri Hermann Berthelsen.

Aningaasaqarnikkut allaffissornikkullu kingunerisinnaasai

Tamatuma immikkut ittumik ataatsimeersuarnissamut aningaasartuuteqarnissaq aningaasaqarnikkut malitsigisussaavaa, tassa timmisartumik angalanissaq, taaseqataasinnaanatik peqataasussat hotelimi najugaqarnissaat, ullormusiat sulinermilu annaasanut taartisiassat.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, kommunini pisortaanerit suleqatigiissitami suligasuartussami ilaasortaanissaat aningaasaqarnermut ataatsimiititaliap tapersersortariaqaraa, taamaaliornikkut Kommunit Kattuffiata siunissami aqqissuuteqqinnissaa sunniuteqaqataaffiginiassammassuk, allaffeqarfiimmi ulluinnarni KANUKOKA-mut attaveqartuupput, taakkulu assigiinngitsutigut siunnersuinikkut ilitersuinikkullu kommunini suut pisariaqartinneqarneri ilisimaarisarimmatigit.

Taamatutaaq aningaasaqarnermut ataatsimiititaliap aamma ataatsimeersuarnissap sumi ingerlanneqartariaqarnera KANUKOKA-mut angalanissami aningaasartuutissat eqqarsaatigalugit nalunaarutiginissaa eqqarsaatigisariaqarpaa, ullumikkummi kommunit sisamaannaat toqqagassaqaarfiupput.

Allaffeqarfiup innersuussutaa

Allaffeqarfiup aningaasaqarnermut ataatsimiititaliamut innersuussutigissavaa, paasissutissiissut tusaatissatut tiguneqassasoq, taamatullu immikkut ittumik KANUKOKA-p ataatsimeersuarnissaa sumiittariaqaraluarnersoq kommunip allakkatigit nalunaarutigalugu.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq paasissutissatut tiguaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

1. 2010-mi ataatsimeersuarnermit quppersagaq

**Imm. 12 Qeqqani Inuutissarsionermut Siunnersuisoqatigiit aggustimi 2009-miit marsimi  
2010-mut sulianut tunngatillugu paasissutissiissutaat**

*Journalnr.*

Tunuliaqutaq

Qeqqata Kommuniata Qeqqani Inuutissarsionermut Siunnersuisoqatigiit-llu (QIS) kiffartuussinissamik isumaqatigiissut naapertorlugu, qaammatit pingasukkaartumik sulianut tunngatillugu QIS nalunaarusiortartussaavoq.

Maleruagassatigut tunngavissaq

Qeqqata Kommuniata QIS-llu januaarip 5-ani 2010-mi kiffartuussinissamik isumaqatigiissutaat.

Pissutsit atuuttut

Qeqqani Inuutissarsionermut Siunnersuisoqatigiit sukumiisumik suliat suut suliarisimaneri nalunaarusiornikuuai, kikkut aggustimi 2009-miit masimi 2010-mut tamakkunani peqataasarsimaneri ilanngullugit. Paasissutissiissut kakkiullugu ilanngussatut nassiunneqarpoq. Tamatuma saniatigut 2010-p qaammataani siullerni pingasuni takornariaqarnermut tunngasut nalunaarusiorneqarlutik.

Takornariaqarnikkut suliniutit eqqarsaatigalugit, aggustimi 2010-mi Maniitsumi kommunalbestyrelsep ataatsimiinnissaanut oqaluuserisassatut siunnersuummik saqqummiussinissaq Inuutissarsionermut allatseqarfimmi takornariaqarnermik sulisumit pilersaarutaavoq.

Pisimasut pingaarnersiorlugit imatut taaneqarsinnaapput:

2009: Aggustimi:

- Aggustip 20-ni Nuummi Arctic Business Network-imi isumasioqatigiinnermi peqataaneq

Septembarimi:

- QIS-imi pisortaanermik septembarimi atorfinitsitsisoqarpoq, tassa Maniitsumi Sisimiunilu Inuutissarsiutitigut Siunnersuisoqatigiissimasut ataatsimoortillugit QIS-imut kattunnerisa kingorna, taamatullu QIS-ip GTE-mik isumaqatigiissuteqarluni
- Takornariaqarnermut suleqatigiissitamik pilersitsineq, Qeqqata Kommuniani takornarialerisut tamarmik ilaasortaaffigisaannik
- Inuutissarsionermut aallartitsiniarnermullu siunnersuineq, Sisimiuni 1 Maniitsumi 0.

Oktobarimi:

- Oktobarimi Aalborg-imi DanFish Messeqarnerani peqataaneq.
- Eqqusat pilersaarutaaneri pillugit Norge-mut paasisassarsiorluni angalaneq.
- Sap.ak. 43-mi Nuummi ilitsersuinermi pikkorissarnermi peqataaneq.
- Kalaallit Nunaanni uuliasionermut tunngasutigut Dagbladet Børsen-imi paasissutissiineq, tamatumani Sisimiut siunissami uuliamik qalluinissami pilersuiviusinnaasutut avammut nittarsaallugit.
- QIS-ip ilisarnaattissaanik unammisitsineq.
- Oktobarimi Inuutissarsionermut aallartitsinianullu siunnersuinerit, Sisimiuni 7 Maniitsumilu 0.

**Qeqqata Kommunia - Kommunalbestyrelsep juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Novembarimi:

- Eqqusat pilersaarutaaneri pillugit Japan-imiit tikeraartoqarneq.
- Sisimiuni umiarsualiveqarneq pillugu Qeqqata Kommunanik ataatsimeeqateqarneq, tamatumani Assartuussineq pillugu Isumalioqatigiissitanut attaveqarnissaq siunertaalluni.
- Sisimiuni Inuutissarsiornermut pisortaq atorfimminiit soraarpoq.
- NunaOil aamma NunaMinerals peqatigalugit ilaasortanik innuttaasunillu Maniitsumi Sisi-miunilu ataatsimiititsinerit.
- Maniitsumi "Ineriartortitsineri assakaasoq" sammitinneqarpoq, tamatumani Alcoa-mut atatillugu suliaassanut tunngasutigut suliffeqarfiit ataatsimoornissaat kajumissaarutigineqarluni.
- Novembarimi Inuutissarsiornermut aallartitsinianullu ilitsersuinerit, Sisimiuni 3 Maniitsumilu 1.

Decembarimi:

- Sap.ak. 50 Sisimiuni MA-ni meeqqat atuarfianni atuartut sammisaqartinneqarput, sulisunit marlunnit meeqqat ulluni marlunni ilinniartinneqarlutik.
- Decembarimi Inuutissarsiornermut aallartitsinianullu ilitsersuinerit, Sisimiuni 8 Maniitsumilu 1.

2010 Januar:

- Inuussutissarsiornermut Ineriartortitsineri Suleqatigiissitaq (IIS) ataatsimeeqatigineqarpoq, tassa Alcoa pillugu Maniitsumi inuussutissarsiuutigut suliallit ilinniakkamik qaffasissusaat sumiinnersoq paasiniarneqassasoq.
- Inuutissarsiornermut Suliffeqarnermullu Naalakkersuisumik ataatsimeeqateqarneq, tamatumani sumiiffimmi minnerunngitsumillu Maniitsumi eqqaani Arctic GreenFood peqatigalugu pilersuisinnaanermi inuussutissarsiuutigut ineriartortitsiviusinnaasut maluginiaqqullugit.
- Qeqqata Kommunanik eqqusanik pilersaarut pillugu ataatsimeeqateqarneq.
- Takornariaqarnikkut ineriartortitsineri Maniitsumi, Kangaamiuni, Kangerlussuarmi Sisimiunilu takornariaqarnermik suliallit 18-t peqataaffigisaannik isumasioqatigiissitsisoqarpoq.
- Sisimiuni sumiiffinni GA peqatigalugu ataatsimiititsineq.
- Inuutissarsiornermut aallartitsinianullu siunnersuinerit, Sisimiuni 3 Maniitsumilu 2.

Februaarimi:

- Sisimiuni IIS-ip ataatsimiinnera. Uuliasiornermut tunngasutigut paasissutissanik katersuinnissaq isumaqatigiissutaavoq.
- Uuliasiorneq pillugu Maniitsumi Sisimiunilu innuttaasunik ilaasortanillu ataatsimiititsineq.
- Umiarsuarnik takornariartitsisarneq pillugu Nuummi pilersaarusernermi QIS-ip Maniitsumi Inuutissarsiornermut pisortaa peqataavoq.
- Inuutissarsiornermut aallartitsinianullu siunnersuinerit, Sisimiuni 6 Maniitsumilu 10.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

**Marsimi:**

- Takornariaqarnermut pilersarusiornermullu QIS-mi siunnersorti aallartippoq.
- Greenland Venture-mit tikeraarneqarneq.
- Maniitsumi Sisimiunituulli sumiiffinni GA peqatigalugu ataatsimiititsineq.
- Kommunalbestyrelsip aalajangiinerata kinguneranik Qeqqussat tunisassiarisinaaneri pillugit misissuinerit aallartinneqassapput.
- Sisimiuni IIS-mi ataatsimiinneq.
- Inuutissarsiornermut Suliffeqarnermullu Naalakkersuisoq kiisalu Aatsitassarsiornermut pisorta, NunaOil-ip pisortaa taamatullu Cairn Energy-p sinniisaata QIS-ip Sisimiuni allatseqarfia tikeraarpaat.
- Umiatsiaaqqap M19-ip akuerineqarneranut atatillugu pikkorissartitsinermi atortorissaarutinullu tunngasutigut Maniitsumi QIS peqataavoq.
- Umiarsuarlutik takornariartartut pillugit Maniitsumi komité ataatsimiippoq.
- Inuutissarsiornermut aallartitsinianillu siunnersuinerit, Sisimiuni 9 Maniitsumilu 10.

Allaffeqarfiup innersuussutaa

Aningaasaqarnermut ataatsimiititaliamut innersuussutigineqassaaq, QIS-ip paasissutissiissutai tusaatissatut tiguneqassasut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq paasissutissatut tiguaa.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussat**

1. Qeqqani Inuutissarsiornermut Siunnersuisoqatigiit suliaannut tunngasutigut paasissutissiineq – 2009-p kingorna, piffissami marsip 10-aniit 2010-mi apriilip 5-anut 2010-mi.
2. Qeqqata Kommuniata Qeqqani Inuutissarsiornermut Siunnersuisoqatigiillu (QIS) januaarip 5-ani 2010-mi kiffartuussinissamik isumaqatigiissutaat.
3. Arctic Circle Region-ip sulinissamini ineriartortitsinissamilu tunngavissaa.

**Imm. 13 Aqutsinermi inatsisip allannguuteqartinnissaata tusarniutaanera - paasissutissiis-  
sut**

*Journalnr.*

Tunuliaqutaq

Nunamut namminermtut, Pinngortitamut Avatangiisinullu Naalakkersuisoqarfiup aqutsinermi inatsit tusarniutitut nassiuppaa, kingusinnerpaamik juunip 14-ni 2010-mut akissuteqarnissaq killilerlugu.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 14, 5. december 2008-meersoq (aqutsinermi inatsit)

Pissutsit atuuttut

Inatsimmik allanngortitsinissamik siunnersuutit oqaaseqaatitani takuneqarsinnaallutik, kommunini aqutsinikkut inatsimmi malittarisassat iluarsiissutissatut siunnersuutaasut arlallit, tassa ukiuni marlunni kommunini aqutsinikkut misilittakkat tunngavigalugit.

Annertunertigut allannguutissat imaapput:

§ 15, imm. 2, imatut allanngortinniarneqarpoq, ilaasortaq qaammatit marluk sinnerlugit kommunalbestyrelsimi ilaasortaanermini tunuartariaqassaguni allakkatigut borgmesterimut paasissutissiisarnissaq. Ilaasortat peqanngittariaqarnertik ilisimalerunikku borgmesteri piaarnerpaamik ilisimatissa-  
vaat. Siusinnerusukkut tamatuma allakkatigut pisarnissaa piumasaqaataangilaq.

§ 16. Oqarasuaatikkut video-luunniit atorlugu ataatsimiittarnermi malunnarsisimavoq, ataatsimiin-  
nerup nammassinerata kinguinngua aalajangiinermik imaqarniliamut atsiortitsinissaq ajornartor-  
siutaasartoq, taamaattumillu tamatuma eqaannerusumik aaqinneqarnissaani ataatsimiinnerullu  
nammassinerata kinguinngua sapinngisamik piaartumik najuuttuinnarnik atsiorneqartarnissaa kisiat  
eqqarsaatigalugu aaqinneqarnissaa siunnersuutigineqarluni.

§ 33 nutaajuvoq, siusinnerusukkulli paragraffitut ilaasimagaluarluni, kingullermik inatsisip allan-  
ngortinnerani inatsimmit ”katataasimasoq”. Malittarisassaq tassaavoq, kommunalbestyrelsi atuun-  
nermi nalaani kommunini aaqqissuussinerup iluani ataatsimiititalianik allanngortitsinnaavoq,  
ilaasortat amerlassusiinik ataatsimiititaliilluunniit susassaqarfinik.

§ 51 nunaqarfinni aqutsisut siulittaasuinut tunngavoq, taakkulu kommunalbestyrelsip inissitsiternerani  
amerlanerussuteqarneq tunngavigalugu toqqagaasinnaasarlutik. Siusinnerusukkut nunaqarfinni  
aqutsisunik toqqaasarneq aqutsinermi inatsisikkut aaqqitaasimanngilaq, suleriesissalli iluini nuna-  
qarfinni aqutsisunut tunngasut innersuussutaallutik.

§ 61 Nakkutilliisoqarfinni ataatsimiittarnerit pineqarput.

Aningaasaqarnikkut allaffissornikkullu kingunerisinnaasai

Inatsisip allannguuteqarnissaa aningaasaqarnikkut allaffissornikkulluunniit kinguneqartussaangilaq.

Qullersaqarfiup oqaaseqaataa

Immikkut oqaaseqaatitassaangilaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Allaffeqarfiup naliliinera

Periutsit kingunerinik iluarsissutaannaammata allaffeqarfik immikkut oqaaseqaatissaqanngilaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.  
Aqutsinermi inatsimmut allannguutissatut siunnersuutit akuersissutigineqarput.

**Innersuussut**

Suliaq kommunalbestyrelsimut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilannugsaq**

1. Kommunit aqunneqarnerat pillugu Inatsisartut inatsisissaattut nr. xx af x 2010-meersoq siunnersuut.
2. Siunnersuummut nassuiaatit.

**Imm. 14 Kussangasoq-mi Meeqqerivik 3-mut aningaasaliissutit toqqavissaatalu aallartisar-  
neqarnissaa**

*Journalnr. 06.01.03 konto 75-85*

Tunuliaqutaq

Meeqqerivik 3-mik sanaartornissamut atugassanik Kommunip 2009-miit 2011-mut missingersu-  
siornermini katillugit 10,461 mil koruunit immikkoortinnikuuvai, aningaasanut inatsisissamut  
ukiumut sanaartugassatut kissaateqarsinnaanermi aningaasat pineqartut 50 procentiisa nalinginik  
sanaartornermi tapiissutisinissamut Namminersorlutik Oqartussanut qinnuteqaatigineqarnikuupput.  
KIIIN-imiit akissutisisoqareerpoq, ilanngussatullu 4-tut ilanngunneqarluni. Tassani eqqaaneqarluni  
kommunip sanaartornermi tapiissutisinissaa siusinnerpaamik 2012-imut aningaasaqarnermut inatsi-  
sissami aatsaat pisinnaassasoq.

Maleruagassatigut tunngavissat

Pisariaqartitsinerup matussuserneqarnissaanut kissaateqarneq naapertorlugu kommuni meeqqerivi-  
liortitsisinnaavoq. Namminersorlutik Oqartussat sanaartugassat nalingata 50 procentianik sanartor-  
nermi tapiissuteqarsinnaavoq, taamaattorli Sisimiut kommuneat neriorsuummik siornatigut tigusa-  
qarnikuunngilaq.

Immikkoortumi pilersaarut A15c-mi sanaartorfissaq 1 Kussangasup Eqqavimmu Aqq.-illu akorna-  
niittoq arsaattarfup kitaatungaa meeqqeriviliorfissatut immikkoortitaavoq.

Pissutsit atuuttut

Pilersaarusiornissap suliariumannittussaarsiuunneqareerneratigut suliffeqarfik Sanati akikinnerpaa-  
jusoq nutaamik meeqqeriviliornissami pilersaarusiortussatut toqqarneqarpoq. Akuleriisitsilluni  
meeqqerivik sisamanik initalik aningaasanik atorluanerpaasutut meeqqerivissatullu tulluarnepaa-  
sutut Ilinniartitaanermi Immikkoortortap isigaa. Meeqqerivik (Kanaartaq-tut) ininik marlunnik  
immikkut meeqqanut 12-inut inissalinnik meeraaqqerivittaqaassaaq, ininillu marlunnik immikkut  
meeqqanut 20-nut inissalinnik meeqqerivittaqaassalluni, tassa meeqqat katillugit 64-it, init assigiimmik  
aaqqissorneqassapput, taamaalilluni utaqquisuuteqarneq aallaavigalugu ukioqatigiiaanik kingu-  
sinnerusukkut allannguisoqarsinnaaqqullugu.

Perorsaasut igaffimmilu sulisut kissaataat aallaavigalugit pilersaarut sanatitsisut ataatsimiititaliaanit  
naleqqussagaavoq. Kussangasup nalaani inuusuttorpasuit mikisunik meerartallit amerlasuut  
najugaqarmata tassani pisariaqartitsineq annertunerummat, meeqqerivissap tassani sananeqartaria-  
qarneratut meeqqeriviit allaffeqarfianit isigineqarpoq. Innarluutilinnut akornutissartaqanngitsumik  
appakaaffiusinnaaneranik piumasaqaat aallaavigalugu, taamaalillunilu quleriunngitsumik illuliatut  
kiisalu qaqqaq aallaavigalugu Eqqavimmullu Aqq.-mmiit appakaaffilerlugu arsaattarfimmu qanin-  
nerutillugu meeqqeriviliorqarnissaa naleqqunnerpaasutut isigineqarpoq. Immikkoortumi pilersaa-  
rummi sanaartorfissamut sanilliullugu tassani inissinnissaa aqqusinermut qaninnerussaaq, eqqaa-  
miunut tusarniaasoqareerluni akerliliissutinik tigusaqartoqarsimangilaq.

15.2.2010-mik ulloqartumik ilusilersuinissamik pilersaarusiornermi siunnersuummik suliaqarto-  
qarpoq, pilersaarutit titartagartaa sumullu killinnermut titartagartaa maanngaaniit ilanngussatut ilan-  
ngunneqarlutik. Pilersaarummut siunnersuut maanna suliarineqarpoq. Upernaaq immikkoortumi  
toqqavissap mississorneqarnerani paasinarsivoq, ukiuunerani aqqusinermut siorarterutissanut  
inissiivusartuq, meeqqerivissap toqqavigisinnaasaanik nunap qaavaniit 1 meterimik ititigisumi  
qaqqaq salliarnartaqartoq. Tamatuma kinguneraa annertunerusumik qaartiterisoqartariaarunneranik,  
toqqavissaata itisoorsuusariaarunneranik taamaalillunilu sanaartornissami aningaasartuutissanut  
annikillisaataalluni.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Illutaata tamarmiusup pingaarnertut pilersaarutitaata aggustimi naammassineqarnissaa sanaartorneqarnissaanullu suliariumannittussarsiuussinissaq septembarimi pinissaa naatsorsuutigineqarpoq. Toqqaviliorneqarnissaanut pilersaarut pilersaarummit siusinnerusumit pisinnaavoq, suliariumannittussarsiuussinissarluni juunimi pissalluni, taamaalilluni assaaneq, qaartiterineq betonngilersuinerlu juulimi aallartinneqarsinnaassallutik. Sanasut taamaalillutik 2010-mi aasap naajartornerani sanaartorlutik aallartissinnaanngussapput, 2011-llu aasaani illu iserterfigineqarnissaminut piareerneqarsinnaassalluni.

Meeqqerivik sisamanik initalik 634m<sup>2</sup>-isut angitigisoq, marlunnik quleriilik Kussangasumi kiassaateqarfiata B-1419-mut qaninnerusumiittussatut tassanngaaniillu appakaaffeqartussatut siusinnerusukkut pilersaarutaagaluarpoq, 2008-mili aprilimi suliariumannittussarsiuussereernerup kingorna paasinarsimalluni 21,5 mil koruuninik akeqassasoq, tamanna pillugu innarluutilinnullu naleqquttuunngimmat taamaatiinnarneqarluni.

Meeqqeriviliassaq nutaaq quleriunngitsoq 620m<sup>2</sup>-isut angitigisoq Sanatip 2010-mi maajimi C-mik missiliuusiornikkut 20,1 mil koruuneqassangatippaa.

Aningaasaqarnikkut allaffissornikkullu kingunerisinnaasai

Namminersorlutik oqartussanit tapiissuteqarnissamik suli neriorsuummik nalunaartoqarnikuunngilaq. Meeqqeriviit allaffeqarfiata nalilerpaa, nutaamik meeqqeriviliornikkut meeqqeriviullu mikisuararsuup matuneratigut ingerlatsinermi aningaasartutitigut sipaagaqartoqarsinnaasoq, taamaalillunilu Paamaap Kua-i meeqqerivik Mikisup 15-inik meerartallip aningaasartuutaqisup Aqqusinersuaq-milu Sisi-p 55-inik meerartallip initaata naleqqutinngitsumik agguataagaasup meerartaat meeqqerivimmut nutaamut nuunneqarsinnaassapput. Meeqqerivinni taakkunani mikisuusuni atortut pinngussallu atoqqinneqarsinnaasut annikitsuararsuusut nalilerneqarpoq, taamaattumillu sanaartornermi missingersuutini ilanngunneqarnikuunatik.

Pilersaarummut konto 75-85 killiliussatut ataatsimut katinnerani 2011-mut missingersuutini immikkoortitsinerup qaffanneratigut 9,625 mil koruuninik qaffanneqarnissaa taamaattumik siunnersuutigineqarpoq:

Ukioq:	konto 75-85-imut aningaasaliissutit:	Aningaasat, mill. koruunit
2009-11	Kommuni, missingersuutitigut immikkoortitat missingersuutitullu siunnersuut	10,461
2011	Kommuni, sanaartorfissamut nutaamik immikkoortitsineq	9,625
Meeqqerivik 3-mut	killiliussatigut aningaasaliissutit katillugit	20,086

Allaffeqarfiup naliliinera

Allaffeqarfiup nalilerpaa, kommunimi sanaartorneq unittuujuusaqqammat sanaartornissap ukioq manna aallartinneqarnissaa naleqquttuussasoq. Maannakkut aallartitsisoqarneratigut 2011-mut aningaasaliisoqartariaqassaaq. Sanaartorneq ukioq manna kommunimit aallartinneqassapput, sanaartornermi aningaasartuutit tamakkiisumik kommunimit akilerneqartariaqalernissaat piareersimaffigisariaqassaaq, taamaalillunilu Namminersorlutik Oqartussat tapiissuteqassanngippat 2011-mut aningaasaliissutit 9,625 mil koruuninik qaffanneqartariaqassallutik. KIIIN-imit akissuteqaat tunngavigalugu 2012-imut aningaasanut inatsisissami tapiiffigineqarnissamut qinnuteqarnissamut periarfissaqassaaq, KIIIN-imiillu tallimaattut innersuussutigineqarluni sanaartornissamut pilersaarut naammassineqassasoq. KIIIN-imit allakkani eqqaaneqanngilaq maannakkut aallartitsisoqarneratigut kommunimi sanaartornermi tapiiffigineqarsinnaajunnaarneranik kinguneqassasoq.



Teknikkimut Avatangiisinulu ataatsimiititaliami suliap suliarinera

Teknikkimut Avatangiisinulu ataatsimiititaliap juunip 1-ani 2010-mi ataatsimiinnermini suliaq suliarivaa.

Aningaasaqarnermut ataatsimiititaliami sulipa suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini aalajangiuppaa, igaffimmi atortussat pisiarinissaat kinguartinneqarallassaaq.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigaa,

2011-mut missingersuusiornissami missingersuutit 9,625 mil. koruuninik qaffanneqassasut,

Toqqavissaanut tunngatillugu Kommuni suliariumannittussarsiusaaq, kiisalu assaasoqarnissaanut, quartiterisoqarnissaanut betonngilersuinissamilu suliasartai 2010-mi aasakkut aallartisarneqassalutik, sinneratali sanaartorneqarnissaata aallartinneqarnissaanut suliariumannittussarsiuussineq tamakkiisumillu sanaartornissami missiliuut utaqqimaarneqassasut.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Meeqqerivik 3-mut ilusilersuinissamik pilersaarummut siunnersuutip sumut killinnermut pilersaarut.
2. Illup quleriunngitsup initaata aggornerinut titartagartaa ilusilersuinissamik pilersaarummut siunnersuummeersoq.
3. C-mik missiliuut, pilersaarummut siunnersuutaagallartussaq maanna suliarineqartoq.
4. Sanaartornissamut tapiissutit pillugit KIIIN-imiit akissuteqaat.
5. Illup silataata titartaqartaai.
6. Illup iluata titartaqartaai.

**Imm. 15 Maniitsumi suliffeerukkallarnermi ikiorsiissutit pillugit 2010-mut ukiunullu  
tulliuttunut aningasaliissutinut ilassutissatut qinnuteqaat**

*Journalnr. 06.00*

Tunuliaqutaq

Qinnuteqaat siusinnerusukku "Aningaasartuutit killiffii pillugit nalunaarusiaq aammalu Maniitsumi Piareersarfimmi 2009-mut aningaasaliissutit nalimmassaneri pillugit" tassunga ilanngullugit 23. juni 2009-mi suliarineqarpoq. Suliaq Inuutissarsiornermut Suliffissaqartitisiniarnermullu ataatsimiititaliamit Aningaasaqarnermut ataatsimiititaliamut kommunalbestyrelse-mullu ingerlateqqineqarpoq.

Augustip 24-iani 2009-mi Kommunalbestyrelsimi suliarineqarmat suliaq Inuutissarsiornermut Suliffissaqartitisiniarnermullu ataatsimiititaliamut (EAU) utertinneqarpoq.

Kommunaldirektør-ip aamma Inuutissarsiornermut Suliffissaqartitisiniarnermullu ataatsimiititaliami siulittaasup akornanni isumasioqatigiittoqareerneratigut Piareersarfik qinnuigineqarpoq Aningaasaqarnermut ataatsimiititaliamut qinnuteqaateqaqqissasoq. 2009-mi ukiakkut Piareersarfiup qinnuteqaat ingerlatippaa. Taassuma kingorna suliamut tunngatillugu pisoqaqqinngilaq.

Taamaattumik suliaq nassuteqqinneqarpoq Maniitsumi eqqaanilu pissutsit taakkulu kingunerisaannik atuinerup pisariaqarluinnartimmagu suliffeerukkallarnermi ikiorsiissutit ilassutinik aningaasaliiffigineqarnissaat.

Maleruagassatigut tunngavissat

Inatsisartut suliffeerukkallarnermi ikiuutinut tunngatillugu peqqussutaat nr. 5, 1. juni 2006-imeersoq.

Pissutsit atuuttut

Suliaq juni 2009-mi suliarineqarmat pissutsit imatut isikkoqarput:

2009-mut tunngasut

Suliffeerukkallarnermi ikiuutinik napparsimanserutinillu atuineq ulloq 17-06-2009-mi 89 %-iuvoq Maniitsumut, Kangaamiunut, Napasumut Atammimmullu aningaasaliissutinut sanilliullugu. Taamaattorli Napasumut tunngatillugu suliffeerukkallarnermi ikiuutinut atuineq takuneqarsinnaanngilaq.

Suliffeqarfiit arlallit soorlu Royal Greenland, GLS A/S, Hotel Heilmann Lyberth, Seqi, Napparsimmaveqarfik, suliffeqarfillu namminersortut allat sulisuminnik angerlartitsiinnartarsimanerisa ikilisaanerisalu kingunerisaannik suliffeerukkallarnersiutinik atuineq annertusimavoq.

Nammineq misissuunitsinni maannakkut juni 2009-p qiteqqunnerani paasivarput Napasumi AGF matuneqarsimasoq, nalorninartorsiutigineqarporlu ammaqpinneqassanersoq, tassa Naalackersuisut aalajangiinissaat apequtaassalluni, tassanilu sulisut inuit 7-8 angerlartinneqarput.

Atammimmi juni 2009-p qiteqqunnerani inuit 4-t angerlartinneqareerput, naatsorsuutigineqarporlu piffissami qanittumi aamma sinneruttut inuit 5-it angerlartinneqarnissaat, aammalu nalornissutigineqarluni sulisuusimasut suliartoqqikkumaarnissaat.

Qeqqata Kommunia, Maniitsumi nunaqarfinnilu Kangaamiuni Atammimmilu pineqartunut ukiuni kingullerni ukiunut aningaasaliissutaasartut sipporlugit atuineq pisarpoq, tamatigullu ukiut naalernerini aningaasaliissutit ilassutissaanik qinnuteqarneq pisarluni. (ataaniittoq takuuk)

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

2008-mi suliffeerukkallarnersiutit:

<b>Konto</b>	<b>Oqaasertaa</b>	<b>Aningaasaliissutit 2008</b>	<b>Ilassutitut aningaasaliissutit</b>	<b>Atuineq</b>
38-02-20-30-12 MANIITSOQ	Suliuunnaarallarnersiutit	750	400	<b>1.212</b>
38-02-20-30-13 MANIITSOQ	Napparsimanersiu- tit	450	220	<b>673</b>
38-02-60-30-12 KANGAAMIUT	Suliuunnaarallarnersiutit	50	0	<b>62</b>
38-02-60-30-13 KANGAAMIUT	Napparsimanersiu- tit	140	0	<b>53</b>
38-02-70-30-13 NAPASOQ	Napparsimanersiu- tit	36	0	<b>37</b>
38-02-80-30-12 ATAMMIK	Suliuunnaarallarnersiutit	10	100	<b>116</b>
38-02-80-30-12 ATAMMIK	Napparsimanersiu- tit	80	80	<b>72</b>
<b>380220-380280</b>	<b>Suliffeerukkallarnersi- tit katillugit</b>	<b>1.516</b>	<b>720</b>	<b>2.225</b>

2008-mi atuisimaneq kiisalu ukioq mannamut aningaasaliissutaasimasunik atuereernerput aallaavi-  
galugit ukiumullu missingersuiffiusunut 2010-2013-imut atuuttussanik qinnuteqarpugut imaattunik:

<b>Konto</b>	<b>Oqaasertaa</b>	<b>Aningaasaliissutit 2009</b>	<b>Atussangasat</b>	<b>Pisariaqartitat</b>
38-02-20-30-12 MANIITSOQ	Suliuunnaarallarnersiutit	750	1.200	<b>+450</b>
38-02-20-30-13 MANIITSOQ	Napparsimanersiu- tit	450	670	<b>+220</b>
38-02-60-30-12 KANGAAMIUT	Suliuunnaarallarnersiutit	50	130	<b>+80</b>
38-02-60-30-13 KANGAAMIUT	Napparsimanersiu- tit	140	140	<b>0</b>
38-02-70-30-13 NAPASOQ	Napparsimanersiu- tit	36	36	<b>0</b>
38-02-80-30-12 ATAMMIK	Suliuunnaarallarnersiutit	10	260	<b>+250</b>
38-02-80-30-12 ATAMMIK	Napparsimanersiu- tit	80	80	<b>0</b>
<b>380220-380280</b>	<b>Suliffeerukkallarnersi- tit katillugit</b>	<b>1.516</b>	<b>2.516</b>	<b>1.000</b>

Ullumikkut maajimi 2010-mut tunngasut

Suliffeerukkallarnermi ikiuutinik napparsimanersiu-  
titinillu atuineq ulloq 19-05-2010-mi 68 %-iuvoq  
Maniitsumut, Kangaamiunut, Napasumut Atammim-  
mullu aningaasaliissutitut sanilliullugu.  
Taamaattorli Napasumut tunngatillugu suliffeeruk-  
kallarnermi ikiuutinut atuineq takuneqarsin-  
naangilaq.

**Qeqqata Kommunia - Kommunalbestyrelsep juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Suliffeqarfiit arlallit soorlu Royal Greenland, GLS A/S, Hotel Heilmann Lyberth, Seqi, Napparsimaveqarfik, suliffeqarfillu namminersortut allat sulisuminnik angerlartitsiinnartarsimanerisa ikilisaanerisalu kingunerisaannik suliffeerukkallarnersiutinik atuineq annertusimavoq.

Nammineq misissuinitisinni maannakkut maj 2010-p qiteqqunnerani paasivarput Napasumi AGF-ip inuit 7-t nipisat sualerisut atorfeqartippai, sualerinerlu naammassippat neriuutigineqarpoq saarullinnik aalisakkanillu allanik tunisineq ammaanqassasoq. Taamaattumik naatsersuutigineqarpoq ukiup sinnerna sulisoqarsinnaassasoq.

Atammimmi maj 2010-p qiteqqunnerani inuit 14-t sualerisut atorfeqartinneqarput maannakkuugal-lartorli nalornissutigineqarpoq sualerereernerup kingorna saarullit aalisakkallu allat tunisaaleru-maarnersut.

Qeqqata Kommunia, Maniitsumi nunaqarfinilu Kangaamiuni Atammimilu pineqartunut ukiuni kingullerni ukiumut aningaasaliissutaasartut sipporlugit atuineq pisarpoq, tamatigullu ukiut naaler-nerini aningaasaliissutit ilassutissaanik qinnuteqarneq pisarluni. (ataaniittoq takuuk)

Napasumi konto 38-02-70-30-12 (suliunnaarallarnersiutit) 2009-mi pilersinneqarsimangimmat, art normu 9150 atorlugu suliffeerukkallarnersiutit nalunaarsorneqarput.

2009-mi atuineq annertussuseqarpoq kr. 79.000

Konto 2010-mi pilersinneqarpoq aningaasaliissutinik ikkussisoqarnikuunngilaq.

Konto	Oqaasertaa	Aningaasaliissutit 2010	Atorneqassangatit	Pisariaqartit
3802703012 NAPASOQ	Suliunnaarallarnersiutit	0	80	<b>0</b>
<b>3802703012</b>	<b>Suliunnaarallarnersiutit Napasog katillugit</b>	<b>0</b>	<b>80</b>	<b>80</b>

Taammaammat 2010-mut qinnutigineqarpoq kr. 80.000-inik aningaasaliisoqassasoq.

Aningaasaqarnikkut allaffissornikkullu kingunerisinnaasai

Maannakkut piffissamilu aggersumi suliffissaaleqisut annertussusaasa allannguuteqangaarnissaat ta-korlooruminaatsinneqarpoq, tassami suliffeqarfiit matoorartut sulisunillu ikilisaasut suli ingerlaar-mata.

Suliffeerukkallarnersiutisiaqarneq/napparsimanersiutisiaqarneq innuttaasunut inatsisitigut pisinnaa-titaaffiummat maannakkullu pissutsit taamaatillugit aningaasaliissutinut ilassutissat pinngitsoorne-qarsinnaanngillat.

Konto 34 (suliffissaqartitsiniutit) & 35 (piginnaanngorsaaqqiisarneq) Maniitsoq eqqarsaatigalugu katillutik 2010-mi kr. 781.000-nik aningaasartaqarput. Maluginiarneqarpoq aningaasaliissutit 2009-mi kr. 888.000-iusut appartinneqarsimasut. Tassa imaappoq kr. 107.000-inik ikilineqarsimapput 2009-imut sanilliukkaanni.

Taakkunanga Inuitissarsiornermut Suliffeqarnermullu ataatsimiititaliap kr. 239.000-it piginnaan-gorsaaqqiinermit atorneqassasut 17. februar 2009-mi ataatsimiinnermini akuersissutiginiuuai. Maluginiarneqarpoq 2010-mut piginnaanngorsaaqqiinermit konto 35-03-20 kr. 79.000-inik ani-ngaasartalerneqarsimasoq.

Maniitsumi piginnaanngorsaaqqiisarneq annikitsuinnarmik ingerlanneqarpoq. Taamaattumik ullumikkut piginnaanngorsaaqqit 2-upput suliffissaqartitsiniutillu iluani 4-raallutik.

Pilersaartuavaq isumaqatigiissutaallunilu inuttut piorsarnermik inuit 14-nit pikkorissartinneqassasut juni/juli-mi ingerlanneqartussamik.

**Qeqqata Kommunua - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Immikkut aningaaliiffigineqarnissamik pisariaqartitsineq ilaannakortumik qulaani kontot taaneqartunit matussuserniarneqassappat suffissaqartitsiniarneq, piginnaanngorsaaqqiineq, pikkorissaanerit il. il. ukioq manna unitsikkallartariaqarnerinik kinguneqassaaq.

Suliffeerukkallarmi ikiuutitut qinnuteqaat una akuersissutigineqarpat aningaasaqarnikkut allaffis-sornikkullu kingunerissavaa ukiumi tulluuttuni aningaasaliissutaareersunut ilassutissanik ukiumit ukiumut qinnuteqaqattaarnerup pisarunnaarnissaa.

Allaffeqarfiup naliliinera

2009-mi tapiliussatut aningaasaliissutinik qinnuteqartoqarsimavoq, kisiannili Aningaasaqarnermut Ataatsimiititaliamut aammalu Kommunalbestyrelsemut ingerlateqqinneqarsimanatik.

Qullersaqarfiup naliliinera

Inatsisit malillugit aningaasartuutit atorneqarput, allamik ilassutissaqanngilaq.

Piareersarfiup innersuussutaa

Inuuttissarsiornermut Suliffissaqartitsiniarnermullu ataatsimiititaliamut akuersissannorlugit innersuussutigineqarput aammalu Aningaasaqarnermut ataatsimiititaliamut kommunalbestyrelsi-mullu ingerlateqqinneqassasut ukua:

2010-mut ataatsimut katillugit suliffeqanngikkallarnermi ikiorsiissutissanut immikkut kr. 1.080.000-nik aningaasaliissuteqartoqassasoq, kiisalu immikkut aningaasaliissutit ukiumut missiliuteqarfiusunut 2011-miit 2013-imut iluarsuussutigineqarlutik.

Inuussutissarsiutinut Suliffissaqartitsiniarnermullu ataatsimiititaliami suliap suliarinera

Inuussutissarsiutinut Suliffissaqartitsiniarnermullu ataatsimiititaliap juunip 2-ani 2010-mi ataatsi-miinnermini innersuuttut akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

2010-mut ataatsimut katillugit suliffeqanngikkallarnermi ikiorsiissutissanut immikkut kr. 1.080.000-nik aningaasaliissuteqartoqassasoq, kiisalu immikkut aningaasaliissutit ukiumut missiliuteqarfiusunut 2011-miit 2013-imut iluarsuussutigineqarlutik.

**Aalajangiineq**

Bitten Heilmann suliamut atuumassuteqarami peqataanngilaq.

Innersuussutigineqartoq akuersissutigineqarpoq.

**Ilanngussat**

1. Balance for konto 34 pr. 19-05-2010
2. Balance for konto 35 pr. 19-05-2010
3. Balance for konto 38-02 pr. 19-05-2010

## **Imm. 16 Kangaamiuni iliveqarfimmut aqqusineq majuartarfillu**

*Journalnr. 16.03.01*

### Tunuliaqutaq

Kangaamiuni iliveqarfimmut majuartarfiit taarserneqarnissaannut Aningaasaqarnermut ataatsimii-titaliamut Kangaamiuni nunaqarfimmi aqutsisut tapiiffigineqarnissamik qinnuteqarput. Peqatigitillugu Kommunalbestyrelsimi ilaasortap Efraim Olsen-ip eqqaavimmiit iliveqarfimmut aqqusinnior-neqarnissaa siunnersuutigivaa.

Kangaamiuni iliveqarfik ungasiaamiippoq. Tassunnganiaraannilu qaqqajunnaq 40 meterinik portu-tigisoq qarsuttariaqarluni.

### Maleruagassatigut tunngavissaq

Aqqusinniornerit majuartarfilinerillu kommunip susassaqarfivai.

### Pissutsit atuuttut

Kangaamiuni ilagiit sinniisaat Nunaqarfimmi Aqutsisunut saaffiginnissuteqarsimapput, tassa ilive-qarfiup tungaanut majuartarfiit qaqqakkoortut 50 meteritut takitigisut taarserneqarnissaat kisaatigi-galugu. Ilagiit sinniisaat namminneerlutik Kangaamiuni sanasunut marlunnut neqerooruteqartitsisi-mapput. Neqeroorullu akikinnek 140.886,- koruuninik naleqarluni, akerlu taanna majuartarfinnut 50 meteriusunut silinnerumaartunullu naapertuulluni. Ilagiit sinniisaat Nunaqarfimmi Aqutsisunut 110.000 koruuninik tapiiffigineqarnissaminnik kissaateqarput, namminnek sinneri 30.000,- koruunit akilerniarlugit.

Teknikkimut avatangiisinullu immikkoortortaqarfiup majuartarfiit misissuiffigisimavai naliliillunilu, majuartarfiit taarserneqarnissaat tunngasoq sanasup neqeroorutaaniit annertunerusoq. Iliveqarfiup tungaanut isumannaatsumik majuartarfilissagaanni, majuartarfiit immikkoortui sisamaasut tamarmik 400.000,- koruunit nalinginut taarsertarialittut naliliiffigineqarlutik.

Qaqqap qaavanut majuartarfinnut taarsiullugu, Efraim Olsen-ip siunnersuutaatut eqqaavimmiit qaqqajunnaq uiarlugu iliveqarfimmut aqqusinniisoqarsinnaavoq. Aqqusineq 360 meterit missaanni takissuseqassaaq, majuartarfillu taarsernissaannut sanilliullugu pilersaarut allarujussuulluni. Ingerla-vissaa sukumiisumik misissuiffigineqarnikuunngilaq, aqqusinissarli tamarmi qaqqajunnap sivinga-neratigut suliassaassaaq, immaqalu qaartiterinertaqangaatsiassalluni. Imaaliinnarlugu aqqusinissaq 360 meteritut takitigisussaq missiliorneqarpoq: 1,5 mio. koruuneqassasoq. Aqqusinniisoqassappat, taava eqqaaveqarfik ikuallaavillu illikarneqartariaqassapput.

### Aningaasaqarnikkut allaffissornikkullu kingunerisinnaasai

Majuartarfiit taarsernerinut 50.000,-inik tapiiffigineqarnerneq konto 2101601200 Kangaamiuni Aputaajaanermiit tiguneqarsinnaapput, allanik sullinneqarneq.

Aqqusinissaq kittaartumik suliarineqarsinnaassaaq, taamaalilluni aningaasartuutit ukiunut arlalinnut siaarlugit.

### Qullersaqarfiup oqaaseqaataa

Immikkut oqaaseqaatitassaqaanngilaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Allaffeqarfiup naliliinera

Majuartarfiit immikkortuisa allerpaat taarsertariaqarnissaata tapiiffigineqarnissaat minnerpaamik kommunip isumagisariaqarpaa, taamaalilluni taanna ajortorujussuummat ukioq manna taarserneqar-sinnaaqqullugu. Kommunip aningaasartuutissai 110.000,- koruunit.

Pitsaanerpaassagaluarporli majuartarfiit immikkoortui tamakkerlugit taarserneqaraluarunik.

Kommunip aningaasartuutissai 370.000,- koruunit. Aqqusinniornissarlunniit aalajangiunneqara-luarpat, iliveqarfimmut majuartarfeqaannartariaqarpoq, qularnanngitsumimmi amerlasuut qaninner-siorlutik aqut taanna atorniartassammassuk.

Allaffeqarfiup innersuussutaa

Allaffeqarfiup borgmesterimut aningaasaqarnermut ataatsimiititaliaq sinnerlu akuereqqullugu inner-suussutigissavaa:

- Konto 2101601200 Kangaamiuni allanit sullineqarnermiit 50.000,- koruuninik, taamatullu 1820603501 Kangaamiuni kulturimiit paasititsiniaanermiillu 60.000,- koruuninik, katillugit 110.000,- koruuninik nuutsisoqarnissaa, taamaalilluni Ilagiit Sinniisaata majuartarfiit kinguller-saata taarserneqarnissaanni tapiiffigineqarnissamik qinnuteqaataat akuersaarneqarsinnaalluni
- Aqqusinniinissaq sanaartugassatut kissaatinut allanut 2011-mut missingersuusiornissamut ukiu-nullu missiliuuteqarfiusussanut ilanngullugu suliarineqarluni.

Borgmesterip suliamik suliarinninnera

Aningaasaqarnermut ataatsimiititaliaq sinnerlugu, innersuussutigineqartoq akuersissutigalugu borg-mesteri juunip 8-ni 2010-mi aalajangiivoq

Aalajangiineq kommunalbestyrelsimut paasissutissiissutitut ingerlateqqinneqassaaq.

**Innersuussut**

Kommunalbestyrelsimut innersuussutigineqassaaq

- missingersuutini nuutsineq paasissutissatut tiguneqassasooq
- Kangaamiuni nunaqarfimmi aqutsisut iliveqarfimmut aqqusinniinissamut majuartarfilluunniit iluarsartuunnerunissaannut missingersuusioqqullugit qinnuigineqassasut

**Aalajangiineq**

Innersuussutigineqartut akuersissutigineqarput.

**Ilanngussat**

1. Ortofoto
2. Nunaqarfimmi Aqutsisut maajip 25-ni 2010-mi allagaat
3. Efram Olsen-ip maajip 14-ni 2010-mi allagai
4. Ejvind Richard-ip juunip 8-ni 2009-mi allakkiaa

**Qeqqata Kommunian - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

**Imm. 17 Qeqqata Kommuniani kommunip susassaqrffisa ingerlanneqarneri pillugit  
ileqqoreqqusap allannguuteqartinnera**

*Journalnr.01.00.01*

Tunuliaqutaq

Qeqqata Kommuniani kommunip susassaqrffisa ingerlanneqarneri pillugit ileqqoreqqusassatut siunnersuut siullermeerlugu decembarip 5-ini 2008-mi suliarireerlugu decembarip 19-ni 2008-mi ataatsimiissutiginerani Ikaarsaariarnermi ataatsimiititaliap akuersissutigivaa. Tamatumalu kingorna aqutsinermi ileqqoreqqusamik taaguuteqalerluni.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 14, 5. december 2008-mersup § 1-ani, imm. 2 oqaasertaqarpoq: " *Kommunalbestyrelsip kommunip aqunneqarneranut malittarisassat ersarinnerusut tassunga ilanngullugit borgmesterip suliassaqrffinut maleruagassat aqutsinermut malittarisassani suliarissavai. Aqutsinermi malittarisassassatut siunnersuutit aamma malittarisassanut atuuttunut allannguutissatut siunnersuutit kommunalbestyrelsimi minnerpaamik ullunik 14-inik akuttussuseqartumik suliarineqassapput.* "

Pissutsit atuuttut

Kommunalbestyrelsip ataavartumik ataatsimiititaliai decembarimi 2008-mi ivertiterneqarput, susassaqrffisassaallu aalajangersarneqarlutik, ilaatigut kommunit aaqqissuusseqqinnermut atatillugu kattussuunnerini taamani Namminersornerullutik Oqartussat suliassaqrffimminik kommuninut nuutsinissaa aallaavigalugu. Taamatuttaaq Alcoa-p Maniitsumi alumiiniumik aatsiteriffiliornera iluatsissappat ilanngullugu. Taamaattumillu ataatsimiititaliai ataavartut arfinillit ivertinneqarlutik, inatsimmi aningaasaqarnermut ataatsimiititaliaqarnissamik pisussaaffiup saniatigut.

Kommunalbestyrelsi novembarip 24-ni 2009-mi aaqqissuussaanermut tunngasut pillugit Sisimiuni eqqartuivoq, Kangerlussuarmilu apriliip 28-ni 2010-mi isumasioqatigiilluni, tamatumaniilu ataatsimiititaliai aalajangersimasut amerlassusii tulluorsorinarnerisut nalilersuiffigalugu.

Eqitsit 1.

**Qeqqata Kommuniani kommunalbestyrelsi**

Qeqqata Kommunian		Ilaas. qassit	Ukiumut tiimit	Ingerlatsinermi missingersuutit	Isertitassatut missingersuutit
<b>KB</b>	<b>Kommunalbestyrelsi</b>	<b>15</b>			
<b>AA</b>	Aningaasaqarnermut ataatsimiititaliaq	5	206	95.758	-535.817
<b>TAA</b>	Teknikkimut Avatangiisinullu ataats.	5	198	112.193	-2.477
<b>ISA</b>	Inuussutiss. suliff. Ataatsimiititaliaq	5	72	19.397	
<b>IIA</b>	Ilaqutariinnermut ataatsimiititaliaq	5	197	109.237	
<b>IKSA</b>	Ilinn., Kulturimut Sunng. Ataatsimiititaliaq	5	606	216.790	
<b>AAA</b>	Aatsitassanut attaveq. Ataatsimiititaliaq	<b>5</b>		<b>0</b>	0
<b>STA</b>	Suliassanik tigu. Ataatsimiititaliaq	<b>5</b>		<b>0</b>	0
<b>Katillugit</b>			<b>1.279</b>	<b>553.375</b>	-538.294



**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Soorlu uuma siuliani eqitsimmi takuneqarsinnaasoq, Aatsitassanut attaveqaqatigiinnermullu ataatsimiititaliaq, taamatullu Namminersornerullutik Oqartusaaniit (massakkut Namminersorlutik Oqartussat) suliassanik tigusinissamik ataatsimiititaliaq ingerlatsinikkut akisussaaffeqanngillat, taamaalillutillu missingersuutitigut aqutaminnik ingerlatisuunatik.

Aatsitassanut attaveqaqatigiinnermullu ataatsimiititaliaq eqqarsaatigalugu kommunalbestyrelsi isumaqarpoq, suliassat ataatsimiititaliap susassaqarfigisai Teknikkimut Avatangiisinullu ataatsimiititaliap susassaqarfiliu taamatullumi ilaasortamik assigiittorujussuusut, taamaattumillu Aatsitassanut attaveqaqatigiinnermullu ataatsimiititaliap atorunnaarsinneqarnissaa naleqqusorinarluni, ataatsimiititaliallu susassaqarfii Teknikkimut Avatangiisinullu ataatsimiititaliamut tunniullugit.

Namminersornerullutik Oqartusaaniit suliassanut tiguneqartussanut ataatsimiititaliaq eqqarsaatigalugu, siunertaasimagaluarluni Namminersornerullutik Oqartusaaniit suliassat tiguneqartartut kommuninit tiguneqartarneri ilutigalugit ataatsimiititaliap susassaqarfigissagai. Suliassalli tunniussasagaluit kinguartiterneqartuarmata, suliassallu tamakku faginut attuumassuteqartorujussuummata, tusarniaanerit ataatsimiititalianut suasaqartunut suliassatut ingerlanneqassallutik, soorlu innarluutillinnut tunngasut, meeqqeriviit imigassamullu katsorsartittarnerit Ilaqutariinnermut ataatsimiititaliamut, kiisalu PPR-imut tunngasut Ilinniartitaanermut, kulturimut sunngiffimmullu ataatsimiititaliamut. Tamatumalu kinguneralugu, Suliassanik tigusinissamik ataatsimiititaliaq ulloq manna tikillugu ataatsimiissimanani. Taamaattumik kommunalbestyrelsip Suliassanik tigusinissamut ataatsimiititaliap atorunnaarsinnissaa pissusissamisoorsorivaa, ataatsimiititaliammi suliassat kommuninut nuunneqartartut ullumikkut suliarisareermatigit.

Isumasioqatigiinnermi kommunalbestyrelsi aalajangerpoq:

- Aatsitassanut attaveqaqatigiinnermullu ataatsimiititaliaq tusarniaaffigineqassasut atorunnaarsinnissaa pillugu aalajangiisoqannginnermi.
- Teknikkimut Avatangiisinullu ataatsimiititaliaq Aatsitassanut attaveqaqatigiinnermullu ataatsimiititaliap susassaqarfiinik tigusinissaa pillugu, taamatullu Namminersorlutik Oqartusaaniit suliassanik tigusinissami namminerimut tunngasutigit susassaqartuunnissaa pillugu.
- Suliassanik tigusinissamik ataatsimiititaliaq tusarniaaffigineqassasut atorunnaarsinnissaa pillugu aalajangiisoqannginnermi.

Aningaasaqarnikkut allaffissornikkullu kingunerisinnaasai

Aatsitassanut attaveqaqatigiinnermullu ataatsimiititaliap, taamatullu Namminersornerullutik Oqartusaaniit suliassanik tigusinissamik ataatsimiititaliap atorunnaarsinnissaat aningaasaqarnikkut kinguneqartussaangitsoq allaffeqarfik naliliivoq, ataatsimiititaliat marluusut siulittaasuinut akissarsiat sipaarutaanissaat allaffissornikkullu oqilisaataanissaat eqqaassanngikkaanni, tassami ataatsimiititaliap ataatsimiinnissaanut ataatsimiissutissanik suliqaqarnermi nukippaalussuit atorneqartarmata.

Allaffeqarfiup naliliinera

Ataatsimiititaliat marluk ingerlatsinikkut akisussaaffeqanngitsut atorunnaarsinnissaat susassaqarfiisalu ataatsimiititalianut ullumikkut pioreersunut allanut ilanngunnissaat pissusissamisoortut allaffeqarfik naliliivoq. Suliassanik tigusinissamut ataatsimiititaliap susassaqarfii eqqarsaatigalugit, ullumikkut ataatsimiititaliat susassaqartut tamakku kommuninut tunniunneqartartut suliarisareerpaat.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aqutsinikkut ileqqoreqqusap allannguutissaatut siunnersuummut allannguutissai qalipaait assigiinngitsut atorlugit nalunaaqqapput, imalu paasisassaallutik:

- aappaluttumik allatat piigassat
- qorsummik allatat, Aatsitassanut attaveqaqatigiinnermullu ataatsimiititaliami allaqqasoq Teknikkimut avatangiisinullu ataatsimiititaliamut ikkunneqassaaq
- tungujortumik allatat, Ikaarsaariarnermut ataatsimiititaliap oqaasertai ataatsimiittalianut ataavartunut tamanut ikkunneqassaaq.

**Innersuussut**

Kommunalbestyrelsimut innersuussutigineqassaaq:

- Aatsitassanut attaveqaqatigiinnermullu ataatsimiititaliap Namminersornerullutillu Oqartussaniit suliassanik tigusinissamut ataatsimiititaliap atorunnaarsinneqarnissaanut aalajangiinnginnermi tusarniaaffigineqassasut.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Aatsitassanut attaveqaqatigiinnermullu ataatsimiititaliap Namminersornerullutillu Oqartussaniit suliassanik tigusinissamut ataatsimiititaliap, taamatullu Teknikkimut Avatangiisinullu ataatsimiititaliap tusarniaaffiginissaanut siunnersuutit
2. Ileqqoreqqusap allannguutissaatut siunnersuut

## **Imm. 18 Pilersaarusiormi periusissaq**

*Journalnr.*

### tunuliaqutaq

Aningaasaqarnermut ataatsimiititaliap marsip 9-ani 2010-mi ataatsimiinnermini pingaarnertut pilersaarusiormut allaaserisaaq, pilersaarusiormi aqqissuusssineq pilersaarusiormilu piffissalersuineq akuersissutigivaa. Pilersaarusiormi suleqatigiit qullersaqarfiup ataani pisortaanerup sulisuinit peqataaffigineqartoq, pilersaarusiormi periusissamik siunnersuorsimapput. Pisortaqatigiillu maajip 27-ini 2010-mi ataatsimiinnermini ilanngussaqaarsimallutik.

### Maleruagassatigut tunngavissaq

Kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7, 26. februar 2009-meersumi § 3, imm. 1-mi takuneqarsinnaavoq, kommunalbestyrelsi kommunimi piffissap qinigaaffiusup affaa siulleq qaangiutsinnagu kommunimut pilersaarusiormut periaasissanik saqqummiussisussaasoq.

Tamannalu aqqissuusseqqinnermut atatillugu ima paasineqassalluni, kommunalbestyrelsi 2010-p naannginnerani pilersaarusiormi akuersissuteqaarsimassasoq.

### Pissutsit atuuttut

Pilersaarusiormi periusissap siunertarivaa, kommunalbestyrelsi, innuttaasut, inuutissarsiuteqarfiit allallu soqutiginnittut pingaarnertut siunissami Qeqqata Kommuniata suna isumagineraa takusin-naalissagaat. Peqatigitillugu pilersaarusiormik periusissaq kommunimi pilersaarusiormut aallaaviusussaavoq. Kommunimi pilersaarusiormi kingusinnerpaamik 2012-p naaneranut akuersissutigineqartussaavoq.

Pilersaarusiormik periusissap politikikkut siunniussat iliuusissatullu pilersaarutit aallaavigissavai, tassa kommunit kattunnerisa kingorna ataatsimiititaliat assigiinngitsut suliarisimasaat. Pingaarnertut aqqissuusssineq kommunit allat pissusaannut qanittuuvoq, soorlu Kommune Kajallermut aammalu Albertslund-ip Kommuneanut.

Kommunalbestyrelsip pilersaarusiormi periusissaq innuttaasunut il.il. sivikinnerpaamik sap.ak. arfinilinni tusarniutigissavaa. Kommunalbestyrelsip allannguutissatut siunnersuutit iluarsissutigiarlugit novembarimi 210-mi inaarutaasumik akuersissutigissavaa.

Pilersaarusiormi periusissaq aasap ingerlanerani nassiunneqarnissaa naatsorsuutigineqarpoq. Tusarniutigineqarnera septembarip 24-ianut 2010-mut killiligaalluni. Pilersaarusiormi periusissat pillugit Maniitsumi aggustip naanerani Sisimiunilu septembarip aallartisimalernerani innuttaasunik ataatsimiititsinissat pilersaarutaapput.

### Aningaasaqarnikkut allaffissornikkullu kingunerisinnaasai

Pilersaarusiormi suliarinera immi aningaasartuutaassanngilaq, sulineq eqqarsaatigissanngikkaanni. Ingerlaqqinnissamili pilersaarusiormi periusissaq naqinneqartussaavoq, tamanullu takusassiari-neqarluni. Tamatuma saniatigut innuttaasunik il.il. ataatsimiititsisoqartassaaq. Tamakkunuuna aningaasartuutissat aningaasaliissutit iluini pisinnaasut naatsorsuutigineqarluni.

**Qeqqata Kommuniania - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Allaffeqarfiup naliliinera

Pilersaarusionermermi periusissaq Qeqqata Kommuniani ataatsimut isiginiarnermi pingaaruteqartuuvoq. Tamatumani pingaaruteqarlutik innuttaasut, kisiannili aamma allat, soorlu Naalakkersuisut aammalumi kommunip nammineq iluani.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

**Innersuussut**

Kommunalbestyrelsimut akuereqqullugu innersuussutigineqassaaq,

Pilersaarusionermermi periusissatut siunnersuut tusarniutitut nassiunneqassasoq

**Aalajangiineq**

Innersuussutigineqartoq oqaaserineqartut ilanngullugit akuersissutigineqarpoq.

**Ilanngussat**

1. Pilersaarusionermermi periusissaq
2. Kommuni Kujallermi pilersaarusionermermi periusissatut assersuut

## **Imm. 19 ISA-p aqqissuussaananut siunnersuut**

*Journalnr.*

### Tunuliaqutaq

Kommunit kattunerisa kingunerisaannik Qeqqata Kommuniani ISA-p aqqissuussaananissaanik siunnersuut allaffeqarfiup suliarivaa.

ISA-p marsip 17-ni 2010-mi ataatsimiinnermini Qeqqata Kommuniani suleqatigiinnissamut isumannaallisaanermullu ataatsimiititaliamut tunngavissat oqallisigivaat, tamatumanilu innersuussutigalugu, kommunip isumannaallisaanermut suleqatigiinnissamullu ataatsimiititaliap aqqissuusaanermigut ataatsimoortinnissaa.

Pingaarnertut tunngaviginiakkat aamma imaallutik, ISA-p aqqissuussaana marlungorlugu immikkoortinneqassasoq, tassalu Pingaarnertut ISA kiisalu sumiiffinni ataasiakkaani ISA-t.

### Maleruagassatigut tunngavissat

KANUKOKA Suleqatigiinnissaq Sunniuteqaqataanissarluk pillugit tunngaviusumik januaarip 1-ani 2001-mi SIK-mik, SSK-mik, PIP-mik, IMAK-mik, AK-mik, ASG-mik kiisalu PPK/PK-mik isumaqatigiissut.

Kalaallit Nunaanni sullivinni isumannaallisaanermik peqqinnissamillu sulineq pillugu nalunaarut nr. 1346 decembarip 15-ni 2005-imeersoq, taamatullu Kalaallit Nunaanni sullivinnik nakkutilliisoqarfiup ilitersuutaa septembarimi 2006-meersoq.

### Pissutsit atuuttut

#### **Pingaarnertut ISA-p (siullertut) inuttalernera**

- Kommunimi pisortaaneq (siulittaasoq) pisortallu akornanni pisortaqtigii toqqagaat sinniisut marluk. Taakkunanga aappaa isumannaallisaanermut akisussaasutut inissisimasuussalluni.
- Sulisut peqatigiiffiinnit tulluuttuniit tamanit sinniisut marluk S.I.K., PPK/PK, IMAK, PIP, A.K. kiisalu peqatigiiffiit AC aamma DJØF. Toqqaasinnaasut tamarmik immikkut Maniitsumiit Sisi-miuniillu sinniisussaminnik toqqaassapput. SSK Sisimiuni sinnisussaminik ataatsimik toqqaassaaq. Tamakku saniatigut Sisimiuni Maniitsumilu sulisut isumannaallisaanermut sinniisussaminnik toqqaassapput. Katillugit ilaasortat 18-it.

#### **Sumiiffimmi ISA (tullertut) inuttalernera**

- Ikinnerpaamik sulisitsisup sinniisai marluk, taakkunanga aappaa isumannaallisaanermut akisussaasutut inissisimasuussalluni. (akisussaasutut pisortaq tamatigut siulittaasuussaaq).
- Silisut sinniisissaat ikinnerpaamik pingasut amerlanerpaamillu arfineq-marluk, taakkunanga ataaseq isumannaallisaanermut sinniisussalluni.

Ilaasortat sinniisussaallu ukiut marlukkaarlugit toqqarneqartassapput. Sulisup toqqagaanermi toqqammavittut atorfini qimappagu ilaasortanera atorunnaassaaq.

Sumiiffimmi suliffeqarfimmi ikinnerpaamik ulloq naallugu 20-nik sulisoqartuni ISA-mik pilersitsisoqassaaq.

Suliffeqarfinni 20-nik ikinnerusunik sulisoqartuni, sulisunik ataatsimiititsinertigut suliassat tamakku ingerlanneqartassapput, tassa sumiiffimmi ISA-tuulli.

Suliffeqarfiup sulisitsisup susassaqarfiatut paasineqassalluni, tassalu ISA-p suliassaqarfiisa iluini. Soorlu Sisimiuni allaffissuaq, Maniitsumi allaffissuaq, ilaqutariinnik sullisivik, meeqqat atuarfiat, utoqqaat angerlarsimaffiat, meeqqerivik, sunngiffimmi ornittagaq, entreprenøreqarfik il.il.

**Qeqqata Kommunია - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Kalaallit Nunaanni sullivinni isumannaallisaaneermik peqqinnissamillu sulineq pillugu nalunaarut nr. 1346 decembarip 15-ni 2005-imeersup § 17-a naapertorlugu, kommuni isumannaallisaaneq pillugu sulianik ulluinnarni aqutsisussamik toqqaasoqartassaaq. Taamatut sulianik immikkut aqutsisussamik atorfinitsitsisoqarsimangippat sulisitsisoq ISA-mik oqaloqatiginnereernikkut tassanilu ilaasortat akornanniit aqutsisussamik toqqaassaaq.

Aningaasaqarnikkut allaffissornikkullu kingunerisinnaasai  
Immikkut oqaaseqaatitassaaqanngilaq.

Qullersaqarfiup oqaaseqaataa  
Oqaaseqaateqanngilaq.

Allaffeqarfiup naliliinera

KANUKOKA Suleqatigiinnissaaq Sunniuteqaqataanissarlugu pillugit tunngaviusumik januaarip 1-ani 2001-mi SIK-mik, SSK-mik, PIP-mik, IMAK-mik, AK-mik, ASG-mik kiisalu PPK/PK-mik isumaqatigiissut naapertorlugu Maniitsumi allaffissuarmi namminerisamik ISA-mik pilersitsinissaaq illersorneqarsinnaanngilaq. Suleqatigiinnissamik tunngaviusumik isumaqatigiissuttip imm. 2.1-ani aalajangersagaavoq, kommunini suleqatigiinnissamik sunniuteqaqataanissamillu aaqqissuussinermi tamanna kommunip pisortaqaarnikkut aaqqisugaaneranut naapertuutissasoq, tamatumalu malitsigisussallugu Maniitsumi allaffissornikkut pisortaaneq akisussaasuussasoq, allatullu aaqqiisoqassappat, taava Maniitsup allaffissuani pisortaanermik toqqaasoqartariaqassalluni.

ISA-p aaqqissuussaaniisannik siunnersuut Kalaallit Nunaanni sullivinni isumannaallisaaneermik peqqinnissamillu sulineq pillugu nalunaarut nr. 1346 decembarip 15-ni 2005-imeersumut naapertuulluinnartuliaavoq. Allaffeqarfillu naliliilluni, isumannaallisaanermi pisortassanik marlunnik, tassalu Maniitsumi Sisimiunilu ISA-p toqqaanissaa tulluurtuussasoq.

Aningaasaqarnermut ataatsimiititaliami suliap suliarinera  
Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

### **Innersuussut**

Aningaasaqarnermut ataatsimiititaliap innersuussutigissavaa

Qeqqata Kommuniani ISA-mik aaqqissuussinissamik siunnersuut kommunalbestyrelsimit akuersisutigineqassasoq

### **Aalajangiineq**

Innersuussutigineqartoq akuersisutigineqarpoq.

### **Ilanngussat**

1. Qeqqata Kommuniani isumannaallisaanermut suleqatigiinnermullu tunngasutigut Isumaqatigiissutissatut siunnersuut
2. Qeqqata Kommuniani ISA-p aaqqissuussaana

**Imm. 20 Maniitsumi Atuarfik Kilaaseeqqami ilinniartitsisut sulilersussat immikkut isumaqatigiissuteqarluni atorfinittarsinnaanerannik siunnersuut**

*Journalnr.*

Tunuliaqutaq

Siusinnerusukkut UKFU-mit aammalu kingullermik Kommunal bestyrelsen ataatsimiinnerani kissaatigineqarpoq allaffeqarfik siunnersuuteqassasoq Qeqqata Kommuniani ilinniartitsisussaqaqarniarnermik pitsanngorsaattissanik siunnersuuteqartoqassasoq. Uani Maniitsumi ilinniartitsisussaqaqarneq aallaavigalugu allaffeqarfik Maniitsumi siunnersuuteqarpoq imaattumik.

Maniitsumi Atuarfik Kilaaseeqqami ilinniartitsisut atorfinittussat immikkut isumaqatigiissuteqarlutik atorfinittarsinnaanissaannik politikkerit akuersissasut.

Makku peqqutigalugit:

- Illoqarfiit: Nuuk aamma Sisimiut sunngiffinni periarfissaqaqarnerupput
- Inissaqarniarnermik pitsaassutsit nallersuussinnaangillat illoqarfinnut sanilitsinniittunut
- Ilinniartitsisussaaleqineq 80 % ataateqquarjussuarpaat:

Atuarfik Kilaaseeqqami 55,95 % -miiginnarami normering 62,5-miittoq.

- Maniitsoq Sisimiunut ilinniartitsisussarsiornerannik nallersuunneqarsinnaanngilaq periarfissat eqqarsaatigalugit.

Inatsisitigut tunngavissat

Nalunaarutit Serie C-I ”Aftale om ansættelse på særlige åremålsvilkår”

§1 Sulisitsisoq pisinnaavoq sulisoqarneq eqqarsaatigalugu pissutissaqaraangat aaliangersinnaalluni stk 2-mi allasimasut tunngavigalugit sulisersitsisinnaalluni immikkut isumaqatigiissuteqarluni atorfinitsitsinissamut najoqqutassaq una malillugu.

Stk 2.: Atuarfeqaqarfinni qullersatut, immikkoortortaqaqarfinni pisortatut, meeqqat atuarfiisa ingerlatsivianni, atuarfeqaqarfinni pisortatut, atuarfinni pisortatut, tullersortitut, sunngiffinni pisortatut, Tarnip pissusaannik ilisimasallit qullersaatut, atuarfinni psykolog-itut aamma siunnersortitut/oqalunniarnermi- tusaaniarnermilu pædagog-it PPR-imi taavalu ilinniartitsisut ilinniarsimasut nunaqarfinni taamatullu illoqarfiit atuarfiini sulisut.

Taakkunani pineqarput sulisoqartussatut amerlassutsit (normering) akuersissutigineqarsimasut 80 % ataallugu ilinniartitsisut atorfiit ilinniarsimasunit pigineqanngippata.

Pissutsit atuuttut

**Atuarfik Kilaaseeraq, Maniitsoq 2009-mi oktobarip 1-ani**

Amerlassusiliineq	Ilinniartitsisut	Piareersarfiusuni ilinniartitsisut	Timelærer-it	Amigaataasut
62,55	23	6	18	15,55
100%	46,36%	9,59%	28,8%	24,86%

Qulaani takuneqarsinnaavoq Atuarfik Kilaaseeqqami ilinniarsimasunik ilinniartitsisoqarneq taamaallaat 55,95 % -innaasoq, taamaalilluni atuarfinni atuuttut pitsaasumik angusaqartinniarlugit suliniarneq assut ilungersunartorsiorfiuvoq.

Taassumalu saniatigut illoqarfik Maniitsoq eqqarsaatigalugu, illoqarfiit sanilitsinniittunit sanilliullugu sunngiffinni periarfissat annikinneerarsuupput, tamanna aamma pissutaalluinnarpoq ilinniartitsisunik ilinniarsimasunik pissarsiniarmut unammillerniarneq ilungersunartoq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Ilinniarfissuaq-mit ilinniartitsisutut naammassisut amerlanerit sinerissami misileerusuttut amerlasarput isorliunerusuni imaluunniit ajunngitsorsiasanik ujartuisarlutik, namminneq illoqafigisaminnut utertigatik/nunnitsigatik. Taakkulu sionratigut uagut iluaqutigisimaqaagut.

Maniitsumi ilinniartitsisutut suliniarnermi inissaqarniarnikkut Nuummum Sisimiunullu naleqqiullugu nutaanagerusunik inissianik peqanngingajappoq aammalu inissiat pitsaanagerusut akisunerungaatsiarlutik pitsaassutsimikkut.

Aningaasaqarnikkut allaffissornikkullu kingunerisinnaasai

Maannakkut Maniitsumi Atuarfik Kilaaseeraq eqqarsaatigalugu ukiumut normering malillugu aningaasaliissutit inissinneqartarput. Ukioq kingulleq 2009-p naanerani sulisut akissarsiaanut 1,5 mio. Kr. –nik sinneqarsimapput.

Assersuut:

Ilaqutariit, aappariit 2-nik meerartallit ukiumut imatut aningaasartuuteqarfigisarpavut, taakku assigiimmik ancienitet -eqarput :

Overenskomst atorlugu atorfilik: 507.913,68 kr.

Immikkut isumaqatigiissuteqarluni atorfilik: 435.743,64 kr.

Allaffeqarfik naliliivoq

Qeqqata Kommuniata kommunimi tamani pitsaasumik assigiimmillu ilinniartitaanikkut periarfissaqartitsinissaq qulakkeerniartariaqarparaa, tamannalu anguneqassappat sumiiffimmi pissutsit isiginiartariaqarlutik.

Ukiuni aalajangersimasuni atorfinitsitsarnerit sumiiffinni sulisut pikkorissut pilerisaarnerini pigiin-narnissaannilu atorneqarsinnaavoq, sulisoqarnikkut taamaattuni unamminartoqarfiusuni. IMAK-ip isumaqatigiissutaa atuuttoq aqcutigalugu ukiuni aalajangersimasuni atorfeqartitsisarnerit sulisoqarniarnikkut sulisullu tigungmiinnarnissaannut sakkutut atoraanni, taava isumaqarnarpoq, Maniitsumi atuarfiit pisortaasa allaaserisaattut pitsaasumik ineriartortitsineq tigungmineqaannarsinnaassasoq.

Illuatungaategulli, ilinniartitsisoqatit ukiuni aalajangersimasuni atorfininnissamik periarfissaqanngitsut Naammagittaannarsinnaannginnerat eqqarsaatigisariaqarluni. Taakkua, taakkunanilu ilaallutik ilinniar-titsisutut atorfeqareersut, atuarfinni toqqissisimannginnermik pilersitsisinnaapput, tamatumalu malitsi-gisaanik ilinniartitsisut soraaralersinnaallutik. Ukiuni aalajangersimasuni atorfeqartitsisarnermi sulisut ilaasa assigiimmik ilinniagaqarnermi iluaqutissartaqarnerisusumik ilinniartitsisutut atorfeqartinneqartu-nit minnerutinneqarnermik misigisinnaanerat illuatungiliuttuosorinarluni. Pissutsit tamakku takutippaallusoq, ukiuni aalajangersimasuni atorfinitsitseriaatsip sulisoqarnermi politikkeqarnermi mianersorluinnartumik ilanngunneqarsinnaanera, tassa kommuni ataatsimut isigalugu kiffartuussinikkut naliggiimmik periuseqarnissamik qulakkeeriniarnermi atugassatut, meeqqat atuarfiini ilinniagalinnik ilinniartitsisoqarnissaq aallaavigalugu. Tamanna aamma ima paasineqassaaq, ukiuni aalajangersimasuni atorfinitsitseriaaseq nalinginnaasumik atorneqartariaqanngitsaq, kisiannili atorfinitsitsiniarnermi sulisunillu ilinniagalinnik tigungminniarnermi sakkussatut.



**Qeqqata Kommunian - Kommunalbestyrelsiip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Peqatigitilluguli kommunimut tamarmut atuuttariaqarluni, sumiiffimmi periarfissat atuarfillu pitsaassusiisigut nittarsaassinerup kinguneranik ilinniartitsisut pilerilersinnaalersissallugit, ukunani aalajangersimasuni atorfilusariaqanngitsut. Allatut oqaatigalugu aningaasat kisiisa isiginagit iliuu-seqarnertigut pi-lerilersitsisoqarsinnaavoq.

**Ilinniartitaanermut immikkoortortap innersuussutaa**

Kommunalbestyrelsiip aaliangigaa 01/2009-mi, 25. februar 2009 attatiinnarneqassasoq.

Ukiunut aalajangersimasunut atorfeqarnermut isumaqagiissutit naappata atorunnaassasut. Pisariaqartitsineq aallaavigalugu taamaallaat nunaqarfinni ukiunut aalajangersimasunut atorfinitsitsisoqarsinnaa-soq aammalu atuarfinni ataasiakkaanni ilinniartitsisutut ilinniarsimasut sulisut katillugit 80 procentii angunngippassuk isumaqatigiissutit atuuttut naapertorlugit ukiunut aalajangersimasunut atorfeqarsinnaatitsineq periarfissaassasoq, tassa pisariaqartitat 80 procentiisa sinnernissaa tungaanut

**Ilinniartitaanermut Kulturimut Sunngiffimmullu ataatsimiititaliami suliap suliarinera**

Ilinniartitaanermut Kulturimut Sunngiffimmullu ataatsimiititaliap juunip 3-ani immikkut ittumik ataatsimiinnermini suliaq suliarivaa.

Aaliangivinnissaq juunip 25-anut utaqqineqartariaqarpoq.

Sorraarsitassanut neqerooruteqarnissaq kommuninit suleqatigalugit misissorneqassaaq.

Kajungersitsiniaalluni saqqummiinerunissaq ingerlanneqassaaq.

Atuuttut atuukkallarnissaat, kommunalbestyrelsiip allannguinnissaata tungaanut.

Aningaasaqarnermut ataatsimiititaliap kommunalbestyrelsimit pisinnaatinneqassasoq juunip 25-ata kingorna, qinnuteqartut nalilersoreernerisigut, immikkut atorfinitsitsisarneq pillugu, nutaamik aaliangii-soqassanersoq, Ilinniartitaanermut Kulturimut Sunngiffimmullu ataatsimiititaliap innersuussutigissavaa.

Imm. Aningaasaqarnermik ataatsimiititaliamut ingerlateqqinneqassaaq.

**Aningaasaqarnermut ataatsimiititaliami suliap suliarinera**

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

Aningaasaqarnermut ataatsimiititaliamit, Ilinniartitaanermut Kulturimut Sunngiffimmullu ataatsimiititaliap, Qeqqata Kommuniani atuarfeqarfiit pillugit isumasioqatigiittoqarnisaanut siunnersuusioqquneqassaaq.

**Innersuussut**

Aningaasaqarnermut ataatsimiititaliap innersuussutigissavaa,

Aningaasaqarnermut ataatsimiititaliap kommunalbestyrelsimit pisinnaatinneqassasoq, juunip 25-ata kingorna qinnuteqartut nalilersoreernerisigut, immikkut atorfinitsitsisarneq pillugu nutaamik aaliangii-soqassanersoq.

**Aaliangerneq**

Aningaasaqarnermut ataatsimiititaliamit, Ilinniartitaanermut Kulturimut Sunngiffimmullu ataatsimiititaliamut, Qeqqata Kommuniani atuarfeqarfiit pillugit isumasioqatigiittoqarnisaanik siunnersuusioqqusineru ilanngullugu innersuussutigineqartoq akuersissutigineqarpoq.

**Ilanngussat**

1. Karl Davidsen-ip allagaa
2. Karl Davisen-imut akissut, Elna Heilmann-imit
3. Ukiumut atuarfiusumut 2009 / 2010-mut Maniitsumi nunaqarfiinilu meeqqat atuarfiani sulisut pillugit nassuiaat, februar 2010.

**Imm. 21 Kommunip suliassaataanik sulariumannittussarsiuussineq – Teknikkimut  
Avatangiisinullu immikkoortortaq**

*Journalnr. 17.00.02*

Tunuliaqutaq

Kommunip suliassaataanik namminersortunngorsarneqarnissaannut sulariumannittussarsiuunneqarnissaannullu suliniutit amerlanerusut kommunalbestyrelsip ujartornikuuai. Taamaasilluni Sisimiuni majuartaateqarfiup aamma Sisimiut Kangerlussuullu akornanni takornarissanut illuaqqanik ingerlatsinerup namminersortunngorsarneqarnissaat kommunalbestyrelsip akuersissutiginiuuai, soorluttaaq aallaarsimaartarfik Assaqutaq-mik ingerlatsineq sulariumannittussarsiuunneqarnikuusoq.

Sulariumannittussarsiuussisarneq pillugu ataatsimiititaliamik pilersitsisoqarnissaa politikikkut aamma kissaatigineqarnikuuvoq. Tamatumunnga atatillugu allaffeqarfiup innersuussutigaa, ataatsimiititaliat kiffartuunneqarnerannut atatillugu suliassaqarpallaartarneq eqqarsaatigalugu ataatsimiititalianik pilersitsisoqaqqissanngitsoq. Taamaakkaluartorli politikikkut kissaatit allatigut sularineqartarnissaannut allaffeqarfik piareersimavoq.

Maleruagassatigut tunngavissat

Oqartussaassuseqarfigalugit suliassat ataasiakkaat eqqarsaatigissanngikkaanni, kommunip kiffartuussinermi suliassaataanik namminersortut sularinninnissaannut kommunalbestyrelsi nammineq aalajangiisnaatitaavoq. Kommunip kiffartuussinermi suliassaataanik namminersortunngorsaanermit atatillugu kommunimi sulisussarititaasut allanngornerat kommunalbestyrelsimit akuersissutigineqassaaq. Killiliussat iluini missingersuutitigut nuutsinerit aningaasaqarnermit ataatsimiititaliap pisinnaatitaaffiisa iluaniissagaluarpoq.

Pissutsit atuuttut

Eqqaaneqartutut namminersortunngorsaasimanerit sulariumannittussarsiuussisimanerillu akuersissutigineqarsimasut saniatigut Sisimiuni, Maniitsumi Kangerlussuarmilu bussinik ingerlatsinerit namminersortunngorsarneqarnissaat sulariumannittussarsiuunneqarnissaallu Teknikkimut avatangiisinullu Immikkoortortap iluani sulissutigineqarpoq.

Tamatuma saniatigut namminersortunngorsarneqarnissaannik/ sulariumannittussarsiuunneqarnissaannik suli aalajangiiffigineqanngitsunik misissuinerit ingerlapput.

Namminersortunngorsaanermit sulariumannittussarsiuussinullu suliniutit amerliartortillugit kommunip taakkununga ilisimasai amerliartuinnarput, immikkoortunilu allani aamma atorneqarsinnaallutik. Taamaattumik ataatsimiititaliat ataavartut assigiinngitsut ingerlatsinermik akisussaaffillit, akisussaaffimmi iluini kinguneqarluartussamik namminersortunngorsarneqarsinnaasut sulariumannittussarsiuunneqarsinnaasullu pillugit siunnersuusiortariaqarput.

**Qeqqata Kommunian - Kommunalbestyrelsen juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aningaasaqarnikkut allaffissornikkullu kingunerisinnaasai

Namminersortut neqeroorutigisaat qaffasippallaassappata, suliariumannittussarsiuussinermi neqeroorutigineqartut itigartinneqaannassapput. Kommunip nammineq aningaasartuutaannut sanilliullugu neqeroorutigineqartoq appasinnerussappat sipaaruteqaataassaaq.

Neqeroorutigineqartoq kommunip aningaasartuutigisartagaanut nikinganngippat, pingaartumik Qeqqata Kommuniani namminersortut inuuttussarsiorlutik siuarsarneqarnissaat eqqarsaatigalugu suliaassat namminersortunngorsarneqarnissaannut suliariumannittussarsiuunneqarnissaannullu politikikkut tunngavissaqarluarsinnaavoq.

Allaffeqarfiup naliliinera

Allaffeqarfiup nalilerpaa, namminersortunngorsaanissanut suliariumannittussarsiuussinissanullu atortussanik suliaqarnermi aningaasartuutit qaffasippallaassanngippata, kommunip kiffartuussinermi suliaasaataanik namminersortunngorsaanissat aamma/imaluunniit suliariumannittussarsiuussinissat iluaqutaaginnassat.

Allaffeqarfiup innersuussutaa

Allaffeqarfiup innersuussutigaa, aningaasaqarnermut ataatsimiititaliamit akuersissutigineqassasoq, ataatsimiititaliat kommunip iluani akisussaaffiminnut tunngasut namminersortunngorsaneqarluarsinnaasut aamma/imaluunniit suliariumannittussarsiuunneqarluarsinnaasut pillugit 2010-mi aprilip aallaqqaataa nallertinnagu siunnersuusioqquneqarput.

Aningaasaqarnermut Ataatsimiititaliap suliamik suliaqarnera

Aningaasaqarnermut Ataatsimiititaliap 2010-mi februaarip 9-ani ataatsimiinnermini allaffeqarfiup innersuussutaa akuersissutigaa.

Teknikkimut Avatangiisinullu Immikkoortortaqarfiup naliliinera

Teknikkimut Avatangiisinullu Ataatsimiititaliap namminersortunngorsaanermut/suliariumannittussarsiuussinermut tunngasuni 'tunuliaqutap' ataani suliat taaneqartut tamarmik teknikkimut avatangiisinullu ataatsimiititaliap akisussaaffiata ataaniimmata, manna tikillugu ataatsimiititaliani salliusutut inissisimasuuvoq.

Teknikkimut Avatangiisinullu immikkoortortap nalilerpaa, teknikkimut tunngasuni tulluuttut tullerinneri malillugit nutaanik immikkoortuliornikkut namminersortunngorsaanikkut/suliariumannittussarsiuussinikkut pingaarnersuisoqartariaqartoq:

1. Sisimiuni Maniitsumilu tuniniaaviit/kalaalimineerniarfiit
2. Kangerlussuarmit aputaajaasarneq aqqusinernillu aserfallatsaaliineq
3. Sisimiuni anartaajaavilerisut
4. Sisimiuni Maniitsumilu saviminikut
5. Atammimmi, Napasumi, Itillimi Sarfannguanilu eqqaavilerisarneq anartaajaavilerisarnerlu
6. Sisimiuni asfaltiorfik
7. Ikuallaavik

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap martsip 2-ani 2010-mi ataatsimiinnermini suliaq suliarivaa.

**Qeqqata Kommunua - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

**Innersuussut**

Aningaasaqarnermi Ataatsimiititaliamit, tulliuuttut kommunalbestyrelsimut ingerlatinneqarput, teknikkimut tunngasut namminersortunngarsarneqarluaarsinnaasut aamma/imaluunniit suliariuman-nittussarsiuunneqarluaarsinnaasut tulliuuttut tulleriinneri malillugit pingaarnersiuisoqassasoq:

1. Sisimiuni Maniitsumilu tuniniaaviit/kalaalimineerniarfiit
2. Kangerlussuarmi aputaajaasarneq aqqusinernillu aserfallatsaaliineq
3. Sisimiuni anartaajaavilerisut
4. Sisimiuni Maniitsumilu saviminikut
5. Atammimmi, Napasumi, Itillimi Sarfannguanilu eqqaavilerisarneq anartaajaavilerisarnerlu
6. Sisimiuni asfaltiorfik
7. Ikuallaavik

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq.

**Imm. 22 Ulluunerani meeqqerivinni nerisaqartitsinerup suliariumannittussarsiuunneqar-  
nissaa – Ilinniartitaanermut immikkoortortaq**

*Journalnr. 17.00.02*

Tunuliaqutaq

Kommunip suliassaataasa namminersortunngorsarneqarnerinut suliariumannittussarsiuunneqarneri-  
nullu atatillugu suliunit amerlanerusut Kommunalbestyrelsip ujartornikuuai. Ilinniartitaanermut  
Immikkoortortap ataani meeqqerivinnut tunngatillugu nerisaqartitsineq, eqqiaasitsineq errorsisarnerlu  
sulariumannittussarsiuunneqarsinnaapput. Pineqartut pillugu namminersortunngorsaanissaq  
meeqqerivinnit ujartorneqarnikuuvoq.

Maniitsumik nutaamik meeqqeriviliorqarnissaa Kommunalbestyrelsip 2009-mi novembarip  
qaammataani aalajangernikuuaa.

Maannakkut Maniitsumi teknikkimut immikkoortortap meeqqerivissaq pilersarusiuleruttorpaa,  
sanaartornissarlu suliariumannittussarsiuutilerlugu. Tamanna pitinnagu nerisaqartitsinissaq sula-  
riumannittussarsiuunneqassanersoq/namminersortunngorsarneqassanersoq aalajangerneqaaqarta-  
riaqarpoq. Avataanit nerisaqartitsisoqassappat, meeqqerivissaq angisuumik iggaveqartariaqanngilaq,  
soorlutaaq angisuumik iggaveqassanngippat iggavimmi sulisoqartariaqaranilu meeqqerivimmi  
nerisassiorqartassanngilaq. Meeqqerivinni piusunut aamma atuuppoq.

Maleruagassatigut tunngavissat

Oqartussaannermut suliassat ataasiakkaat eqqaassanngikkaanni, kommunip kiffartuussinermi sulas-  
saatai namminersortunut suliakkiutigineqassanersut kommunalbestyrelsip nammineq aalajangersin-  
naavaa. Kommunip kiffartuussinera namminersortunut suliakkiutigineqarneranut atatillugu sulisut  
amerlassusiligaanerisa allanngortinneqarnerat Kommunalbestyrelsip akuersissutigisussaavaa. Killi-  
liussat iluini missingersuutitigut nuutsinerit aningaasaqarnermut ataatsimiititaliap susassaqaqfiga-  
luarpai.

Pissutsit atuuttut

Meeqqerivinni eqqiaasut, errorsisarfinni iggavinnilu sulisut pigiinnarneqarnissaat ullumikkut  
ajornartorsiutigineqartarpoq. Pingaartumik iggavinni sulisut napparsimanerini assigisaanniluunniit  
meeqqerivimmi pisortap paarlatsissarsiornermini imaluunniit meeqqerivimmi ullormut pilersaarut  
naammassiumallugu meeqqerivimmi sulisut akornanni iluarsisuteqarniarnermini nukissatigut  
piffissatigullu annertuumik atuisarpoq. Tamatuma saniatigut iggavimmi sulisut tunngatillugu pisortaq  
aralipassuarnik aamma eqqarsaatissaqartarpoq.

Taamaattumik Maniitsumi meeqqerivissaq iggaveqartinneqanngikkuni kajuminnarneruvoq,  
taamaaliornikkullu nerisaqartitsinissap suliffeqarfinnut namminersortunut suliariumannittussar-  
siuunneqarluni.

Suliffeqarfimmi namminersortumik aallartitsinissamut soqutiginnittoqarpoq, soorlutaaq suliffeqarfik  
namminersortoq pioreersoq suliassamik tigusinissaminut soqutiginnittoq.

Meeqqerivissaq pilersarusiorneqarneranut atatillugu avataanit nerisaqartitsisoqassanersoq  
imaluunniit sulisut namminneq nerisassiorqartassanersut apeqqutaassaaq. Avataanit nerisaqartitsiso-  
qassappat, kissartuliorfimmik mikisunnguamik iggaveqarsinnaapput, sulisulli namminneq nerisas-  
siorqartassappata ullutsinni piomasaaqatitut naammassinnittumik angisuumik iggaveqartariaqarpoq.  
Meeqqerivissap inissisimaffissaanut pilersaarut naapertorlugu meeqqerivissaq annerusunngorlugu  
sanaartorneqarnissaanut periarfissaqanngilaq. Taamaammattumik angisuumik iggaveqartitsissagaanni  
meeqqerivimmi init arfiniliunatik tallimaannanngortinneqassapput.

Iggaveqarnissamut tunngatillugu isummertoqartinnagu, meeqqerivissap pilersarusiorneqarnissaa  
siunnersortinut suliakkiunneqarsinnaanngilaq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Aningaasaqarnikkut allaffissornikkullu kingunerisinnaasai

Namminersortut neqeroorutaat annertuallaassappat, suliariumannittussarsiuussinermi neqeroorutigineqartut itigartiinnarneqassapput. Kommuni aningaasartuutaanut sanilliullugu neqeroorutigineqartuq appasinnerussappat aningaasanik sipaaruteqartoqarsinnaavoq. Kommuni aningaasartuutigisartagaanut neqeroorut nikinganngippat, namminersortunngorsaanissaq suliariumannittussarsiuussinissarluk politikkikkut tunngavissaqassaaq, matumani Qeqqata Kommuniani namminersorluni inuusutissarsiorneq siuarsarneqassamat.

Meeqquariviuup iggavia ullutsinnut naleqquttoq akisuvoq. Meeqquarivissamat iggaviliornissaq 1 mio. koruunilik naleqassaaq.

Taamaattumik meeqquarivissaq iggavilinnigikkaanni sanaartortitsinissami aningaasartuutissatigut sipaaruteqartoqarsinnaavoq. Meeqquarivissami init tallimaasinnaanersut arfiniliusinnaanersulluunniit meeqquariviuup ingerlatsinermi aningaasaqarneranut aamma sunniuteqarpoq.

Ulluunerani meeqquariviit nerisaqartitsinermi maannakkut missingersuutaat:

Meeqqanut nerisaqartitsinermi ukiumut kontomi atuineq: 688.000 kr.

Meeqquariviit iggaviini sulisut arfinillit ukiumut: 1.500 mio. kr.

Meeqquarivinni tamani aserfallatsaaliineq pisiortornerlu ukiumut: 60.000 kr.

Meeqquarivinni tamani iggavinni innaallagissamik ukiumut atuineq: 40.000 kr.

Meeqquarivinni tamani iggavinni ukiumut atuineq 2.288.000 mio. koruuniuvoq, imaappoq meeqqamat ataatsimut ullormut 42 koruunit nalinginut nerisitsisarput. Nerisaqartitsinermut kontut kisiisa aallaavigalugit ullumikkut meeqqamat ataatsimut ullormut 11 koruunit nalinginut nerisaqartitsisarput.

Nerisaqartitsineq suliariumannittussarsiuunneqassaoat meeqqamat ataatsimut ullormut 13 koruunit nalinginut nerisaqartitsisarnissaq aallaavigineqarsinnaavoq. Nerisaqartitsinissamat aningaasartuutissat ataatsimut katikkaanni aningaasartuutissat 697.000 koruuniussapput.

Nerisaqartitsineq suliariumannittussarsiuunneqarpat kontut ilaat sipaarutaaffiusinnaapput.

Taannaannaanngilarli, aammali meeqquarivimmi pisortap akunnerpaaluit iggavimmi sulisunut atortarpai.

Qullersaqarfiup naliliinera

Suliariumannittussarsiorneq akisuallaassappat taartissaanik allamik ujartuisoqartariaqarpoq. Allamik naqqiutissaqanngilaq.

Allaffeqarfiup naliliinera

Allaffeqarfiup nalilerpaa, namminersortunngorsaanissami suliariumannittussarsiuussinissamilu atortuussiorneqanissami aningaasartuutissat annertuallaassanngippata, kommunip kiffartuussinerata namminersortunngorsarneqarnissaat aamma/imaluunniit suliariumannittussarsiuunneqarnissaat iluaqutaaginnassaasoq.

Allaffeqarfiup innersuussutaa

Allaffeqarfiup innersuussutigaa, Ilinniartitaanermut Kulturimut Sunngiffimmullu ataatsimiititaliap innersuussut akuersissutigissagaa, tamatumalu kingorna suliaq aningaasaqarnermut ataatsimiititaliamit suliarineqartussanngorlugu ingerlateqqillugu. Suliariumannittussarsiuussinissaq/namminersortunngorsaanissaq meeqquarivinnut naleqqunnersoq naliliiffigineqassasoq, aammali atuarfinni taqussiortarneq eqqiaasarnerlu eqqarsaatigalugu periarfissaqarnera naliliiffigineqassasoq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap maajip 25-ani 2010-mi ataatsimiinnermini suliaq suliarivaa.

Nerisaqartitsinerup suliariumannittussarsiuunneqarnissaanik siunnersuut ataatsimiititaliap isumaqatigaat, soorluttaaq Maniitsumi meeqqerivissap iggaveqannginnissaanik aalajangiisut. Immikkoortoq aningaasaqarnermut ataatsimiititaliamut ingerlateqqinneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap juunip 8-ni 2010-mi ataatsimiinnermini suliaq suliarivaa.

**Innersuussut**

Kommunalbestyrelsimut akuereqqullugu innersuussutigineqassaaq,

Nerisaqartitsineq suliariumannittussarsiuunneqassasoq Maniitsumilu meeqqerivitaassaq iggaveqas-sanngitsaq

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

### **Imm. 23 Qeqqussat tuniniagassiarineqarsinnaanerisa misissorneqarnerat**

*Journalnr.*

#### Tunuliaqutaq

Kommunalbestyrelsimi ilaasortaq Søren Alaufesen 2010-mi februaarip 23-ani kommunalbestyrelsip ataatsimiinnerani qeqqussat tuniniagassiarineqarsinnaanerisa misissuisoqarnissaanik oqallisissiasamik siunnersuuteqarpoq. Aningaasaqarnermut ataatsimiititaliap Inuutissarsiornermut siunnersuut misissoqullugu allatseqarfik qinnuigaa.

#### Pissutsit atuuttut

Inuutissarsiornermut siunnersuisooqatigiit allatseqarfiata periarfissat misissornikuuvai.

Kalaallit nunaata sineriaa sineriattoq inuussutissaqarluartorlu qeqqussanik sukkasuumik alliarortitsinissamut periarfissaqarpoq. Taamaattumik nutaamik aningaasarsiorfissamik nungusaataanngitsumik tunisassiorinissamut aningaasarsiorfiulluarsinnaasumillu tunngaviliinissamik pilersitsinissamik annertuumik periarfissiivoq. Tunisassiorneq illoqarfimmi avammullu tuniniaanermut atornerqarsinnaasoq.

Qeqqussanik aningaasarsiorfiusuni Europap avannaatut aamma Canadami naasoqartarneratut annertutigisumik, kalaallit nunaata kitaani qeqqussanik ukiumut naasoqartarsimavoq. Tamanna Nuup eqqaani 1981-82-imi Poul Møller Pedersen, Københavns Universitetimi sulisumit misissuiffigineqarsimavoq.

Misissuinerup takutippaa, equutit **Buletang** (*Ascophyllum*) sineriat kilomeeteriugaangat 32 – 64 tons naasarsimasut, tamannalu 50 tons/ha sinnerlugu annertutigalutik. Nuup eqqaani equutit naasartut panertinneqarunik ukiumut kvadratmeterimut 300 aamma 950 g annertussuseqassapput (Pedersen 1987).

Equutit naajorartarnerat immap silaannaata naajorartarneratut ippoq, tassa imaappoq, naajorartut piffissami sivisuumi allanngorneq ajorput. Ukiumut nunguttartut nutaanik taarserartuurtuupput. Immami pisuussutinik sumiiffissiunermi, qeqqussat soqutiginarsinnaagaluartut soqutiginaatilitut isigineqarneq ajorput. Ilisimatusartussanik amigaateqarneq imaluunnit kalaallit nunaanni suussutsit assigiinngitsut 200 misaaniittut annertunersaasa atorluarnissaanut ilisimasaqannginneq pissutaanerpaatut taasariaqarpoq.

Qeqqussat assigiinngitsorpassuartigut tunisassiornermi atornerqartarput, assersuutigalugu naggoris-saatinut, savat nerisassaannut, inuit nerisassaannut, tipigissaatinut aammalu biokemi-t ilaannut nakorsaasiornermullu. Tunisassiornermi qeqqussat suussusaat assigiinngitsut atornerqartarput. Kalaallit nunaanni suussutsit kingusinnerusukkut atorluarneqarnissaannut atatillugu annerpaamik soqutiginaateqarsinnaasut ukuupput:

*Ascophyllum nodosum* (**Buletang**) – equutit

*Fucus vesiculosus* (**Blæretang**) aamma *Fucus evanscens* (**Langfrugtet Klørtang**) – equutit

*Maninaria spp* (bl.a. **sukkertang**) – qeqqussat

*Alaria spp* (**Vingetang**)

*Agarum clathratum* (**Hultang**)



**Qeqqata Kommunia - Kommunalbestyrelsen 17-uni 2010-imi ilaqussumik  
ataatsimiinnerata 03/2010-p imaqarniliornera**

Eqqutiniq killilimmik misileraaneq, killeqartup qulaani taaneqartoq isigissanngikkaanni, qeqqussat annertussusaasa, naajorarnerisa, siammariartornerisalu ataqatigiinnerisalu naliligaanerannik nutaanerumik katersuuffiusumillu Kalaallit Nunaanni peqartoqanngilaq. Qeqqussat nerisassatut, aalisakkat suffisarfiattut alliertortarfiattullu inuuffiattullu aammalu uumasunut allanut akuutissaqanngitsutut pingaaruteqassusaat ilisimaneqanngilaq. Taamaattumik aningaasatigut avatangiisitigullu illersorsinnaasumik tunisassiornermik aallartitsisoqarsinnaanerata nalilersornissaa periarfissaqarsimannigilaq. Kalaallit Nunaanni tunisassiorsinnaanermut periarfissat aatsaat, sumiiffinni qeqqussat qanoq sunniuteqartarnerat tigoriaannaassusiallu paasineqarpat aalajangerneqarsinnaapput.

Aningaasaqarnikkut allaffissornikkullu kingunerisinnaasai

Inuutissarsiornermut allatseqarfiup nalilerpaa, pilersaarutip ingerlatiinnarneqarnissaa kissaatigineqarpat, tamakkuninnga suliaqartunik ilisimasalinnik suleqateqarnissaq pisariaqartoq. Assersuuti-giinnarlugu taaneqarsinnaavoq, paasissutissat qulaani taaneqartut Poul Møllder Pedersen, Botanisk Institut, Afdeling for Alger, Københavns Universitet kiisalu Ole Hertz, Arctic Ecological Research suleqatigalugit pissarsiarineqarnikuupput.

Pilersaarutip tunngaviusumik ingerlanneqarneranut taamanikkut aningaasartuutitut tapiisutit 1,1 mio kr. annertussuseqarsimapput. Ullumikkut Sisimiut eqqaani qeqqussat atorluarneqarsinnaaneri ilisimatusarfigineqassappata aamma aningaasartuutissat piffissarlu atorneqartariaqartuusaaq qanoq annertutiginissat takorloorneqarsinnaavoq.

Qullersaqarfiup oqaaseqaatai

Immikkut oqaaseqaatissaqanngilaq.

Allaffeqarfiup naliliinera

Allaffeqarfiup naliliinera Inuutissarsiornermullu allatseqarfiup naliliinera assigiipput, tassalu qeqqussat naasuata atorluarneqarsinnaanissat pillugit paasissutissanik katersineq ingerlanneqaannassasoq. Suliap ingerlatiinnarneqarnissaanik Inuutissarsiornermut allatseqarfik suliaqarnerminik ingerlatseqqinnarnissaanik qinnuigineqassasoq innersuussutigineqarpoq kiisalu qinnuigalugu ingerlaqqinnissaanut piffissamut iliuusissatullu pilersaarummik suliaqassasoq aammalu pilersaarutip qanoq naleqarsinnaanera pillugu naatsorsuusiussasoq.

**Innersuussut**

Kommunalbestyrelsimut innersuussutigineqassaaq:

- Qeqqussat naasutaasa atorneqarnissannut paasissutissanik katersilluni ingerlanneqarnerata ingerlaannarnissanik Inuutissarsiornermut allatseqarfik qinnuigineqassasoq, aamma
- Ingerlaqqinnissaanut piffissamut iliuusissatullu pilersaarummik suliaqarnissaanik qinnuigineqassasoq, kiisalu
- Pilersaarutip qanoq naleqarsinnaanera pillugu naatsorsuusiussasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 24 Tunisinissaq siunertaralugu tunisassiortarneq pillugu Qeqqata Kommuniani  
aalisartunut piniartunullu ataatsimeersuartitsinissamik siunnersuut**

*Journalnr. 72.02.00*

Tunuliaqutaq

2010-mi juunip 17-iani Kommunalbestyrelsip ataatsimiinnissaanut tunisinissaq siunertaralugu tunisassiortarneq pillugu Qeqqata Kommuniani aalisartut piniartullu ataatsimeersuartinneqarnissaat pillugu pilersaarusiortoqassasoq Inuit Ataqtigiit sinnerlugit Katrine Larsen Lennert siunnersuummik nassiussaqarpoq. IA-p eqqarsaatigaa, siunissami tunisassianik suliarinnittarnermik pitsaanerpaamik aalisartut piniartullu imminnut immersoqatigiissinnaanerata, tamaalillutik pisisartut annerusumik piserusussuseqalerniassammata. Piniartut aalisartullu siunissami pisamik avammut tunisassiarinissaasa siusarneqarniissaannut pitsaasunik sakkussaqaalersinnaanerata eqqarsaataavoq.

Pissutsit atuuttut

Allaffeqarfiup ilisimatitsissutitut paasissutissiissutigissavaa, aalisartunut piniartunullu tullinnguuttut pillugit Qeqqata Kommunia 2009-mi isumasioqatigiisitsinikummat.:

1. Kommunip ileqqoreqqusai
2. Piniakkanik killilersukkanik kommunip iluani agguaassisarneq, soorlu qilalukkat, aarrit aammalu qoorortoorsorluni tikaagulliit pisassiissutit.
3. Kalaalimineerniarfimmuut tunitsiveqarnermullu tunngasut.
4. Umimmanniartarneq kikkunnet tamanut ammassava? Piniartitsisarneq/ Kangerlussuarmut qimussiussinerit.
5. Umiatsiaaqqanut talittarfiit puttasut/ Amutsiveqarneq/ Illuaqqat atortuusiviit.
6. Aalisakkat piniakkallu sumiiffinni tamani tunisassiarineqarnissaminnut tunngavissaqarpat?
7. Aalisakkat piniagassallu massakut ingerlatinngisagut siunissami tunisassiassatut piukkunnarpat?
8. Aalisariutit qanoq ilillugit ullutsinnut naleqqussarneqassappat?
9. Sumiiffinni tamani nammineq pisuussutigut annertunerusumik atorineqarnissaat anguniarlugu qanoq iliuuseqassaagut.

Inernerit ilagivaat, ataatsimiititaliamik siunnersortaasumik pilersitsisoqassasoq, taannali sulii inisittitinnilaq.

Allaffeqarfiup naliliinera

Allaffeqarfiup iusmaqarpoq, Qeqqata Kommuniani Aalisarnermut Siunnersortit Inuutissarsiornermut allatseqarfik suleqatigalugu aalisarneq pillugu isumasioqatigiinneq ingerlanneqareersoq pillugu ingerlaqqinnissaanut iliuusissatut pilersaarummik qinnuigineqassasut.

**Qeqqata Kommunian - Kommunalbestyrelsen juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

**Innersuussut**

Allaffeqarfiup Kommunalbestyrelsimut innersuussutigissavaa:

Qeqqata Kommuniani Aalisarnermut Siunnersortit Inuitissarsiornermut allatseqarfik suleqatigalugu aalisarneq pillugu isumasioqatigiinneq ingerlanneqareersoq pillugu ingerlaqqinnissaanut iliuusissatut pilersaarummik qinnuigineqassasut.

**Aalajangiineq**

Oqaaserineqartut ilanngullugit innersuussutigineqartoq akuersissutigineqarpoq.

**Ilanngussaq**

1. Inuit Ataqtigiinninngaaniit Katrine Larsen Lennert 2010-mi maajip 7-ani mail-ikkut allagaqaata.

**Imm. 25 Karl Davidsen-ip apeqquteqaatai**

*Journalnr.*

Tunuliaqutaq

Kommunalbestyrelsip ataatsimiinnissaanut Karl Davidsen arlalinnik apeqquteqaateqaateqarnikuuvoq. Apeqquteqaatinut ataasiakkaanut aissuteqaatit tungujortumik allataapput

Apeqquteqaatit

1. Maniitsumi utoqqaat ataatsimeeqatiginerani paasinarsivoq kommunet Kattussuunnerisa kingunerisaanik utoqqarnut aningaasatigut atugassarititaasut neriorsuutigineqartutuut pitsanngoriarsimangitsut, tassa aningaasat akiligassat akilereerlugit pigisassat (rådhedsbe- løb), kisimiittumut 4300 kr.-iunatik annikinneerakasiusarsimmata. Tamanna utoqqarnit arlalissuarnit uppernarsineqarpoq tamannalu sivisuumik taamaassimalluni. Apeqqutigerusuppara, ilumut taamaattoqarner-soq? taamaassimappallu sooq kattussuunnit- sinni neriorsuutigut piviusunngortinneqanngillat? Taavalu iluarsisassaassappat qaqugu iluarsineqassappat?

Matuma kinguliani eqitsimmi kattunnerup siuliani kingornalu pensionisiallit namminneq atugassaattut angissutsit takuneqarsinnaapput.

Oqaasertaa	Maniitsoq, siuliani	Maniitsoq, kingorna	Sisimiut, siuliani	Sisimiut, kingorna	Kattunnerup kingorna Ma- niitsumi imaa- lerlutik	Kattunnerup kingorna Sisi- miuni imaal- erlutik
Kisimiittoq	3.000	4.300	4.300	0	1.300	Taamaaginnarput
Aappariit	4.000	7.300	7.300	0	3.300	Taamaaginnarput

Kattunnerup kingorna Maniitsumi nammineq atugassatut angissutsit tulliuttut pitsanngoriaateqar- put, tassa kisimiittumut 1300 koruuninik aappariinnullu 3.300 koruuninik. Paasissutissiissutgiine- qassaarluni, Maniitsumi Ilaqtariinnermut immikkoortortami kukkuluttornikkut, allaffissiat kattunne- rup siulianiit atukkat ator-neqarsimmata, taamaalillunilu utoqqaat nammineq atugassamittut pissarsiassaralutik tigunngitsoorsimallugit. Kukkuneq taanna maannamut iluarsineqarnikuuvoq, utoqqaallu nammineq atugassamittut pissarsiassatik pisalerlugit.

2. Matoqqasuni apeqquteqaat.

Matoqqasuni akineqarpoq.

3. Ilisimaneqartutuut Maniitsumi sisorsartarfik atorluarsinnaasumik lifteqanngilaq, tamannalu Pioreersut atorluarneratigut iluarsineqarsinnaagunarpog, apeqqutiginiarpara Kangerlussuar- mi Lift ator-neqarpiannngisaannartoq kiap pigineraa, Kommunillu pigippagu Maniitsumut nuunneqarsinnaanerluni?

Kangerlussuar-mi majuartaat nutaanngitsuvoq, siusinnerusukkullu Sisimiuni nalunnguarfiup eqqaanii atugaasimalluni, kingusinnerusukkullu Kangerlussuar-mut ingerlataalluni.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Kangerlussuarmi majuartaat Sisimiuni majuartaateqarfimmi sulisuniit inissinneqarnikuvoq. Tassunga inissinneranut peqqutaavoq, taanna erngup aqputaanut qanittuummat. Tamatumani aputikkinnerani apusiummik apusersorneqartarsinnaanera eqqarsaataalluni, tassa taamani Kangerlussuarmiittumik (GT-p ukiorpaalunni Ishotel-imut eqqarsaatersuutigisimasaanut atugassiaraluaq).

Ikkussuunnerata kingorna majuartaat akornuteqarsimavoq, ukiullu siulliit marluk atorneqarsinnaasimanani.

Kingusinnerusukkullu majuartaammi sulisussaq amigaataasarluni, Kangerlussuarmimi taamatut inuttaliisoqarsimangilaq, imaluunniit kommunip entreprenøreqarfiani sulisumik atugassaqsimanani.

Nunaqarfimmi Aqutsisut konto 18-ikkut majuartaateqarfiup eqqaani igaffeeraq tuniniaavillu akilersorsimavaat. Tamatumalu saniatigut anartarfik, qamuterallunni, sarfaliuummut, il.il. atortuusivik, illuaqqat marluk majuartaateqarfiup ataaniittut suli tassaniillutik.

Kommunalbestyrelsip sunngiffimmi sammisassaqtitsinermut atatillugu suna tulluarnersuq nalilersussavaa, taamatullu majuartaateqarnermut tunngatillugu aningaasanut tunngasut.

4. Sisamaattut apeqqutiginiarpara, borgmestererput Maniitsumut tikikulannginnerata suna peqqutigisimaneraa. Ilisimaneqarluarpoq, borgmesteri Alcoa il.il. ataatsimiititsileraangata ulloq ataaseq marlulluunniit Maniitsumiillatsiartartoq, isumaqarluinnarpunga borgmesterip Maniitsumiittarnera akulikinnerulluinnartariaqartoq, aammalu innuttaasunit ilikkarneqarnissaa / Maniitsormiunillu "ilikkagaqarnissaa" pisiariaqarluinnartoq, aammalu illoqarfik Maniitsoq qanoq ittuunersuq tikillatsiaannarlugu  
Takuneq ajornarmat, najorlugulu tikillugulu pinissaa borgmesterip pilersaarutiginerluniuk?

Borgmesteri ataatsimiinnernut atasumik allatigullu innuttaasunut tunngatitamik akuttunngitsutigut Maniitsumiittarpoq. Borgmesterilu kingullermik sapaatip akunnera ataaseq maajimi Maniitsumiilluni.

### **Innersuussut**

Akissuteqaatit tusaatissatut tiguneqarnissaat, allaffeqarfiup kommunalbestyrelsimut innersuussutigissavaa.

### **Aalajangiineq**

Oqaaserineqartut ilanngullugit tusaatissatut tiguneqarpoq.

### **Ilanngussaq**

1. Karl Davidsen-ip apriliip 12-ni 2010-mi mail-rutaa.

## **Imm. 26 Kommunimi pilersaarummut tapiliussaq 38**

*Journalnr 18.01.02*

### Tunuliaqutaq

Akiani inissianik nutaanik akuleriaaani sanaartornissaq periarfissaqalerniassammat, kommunimi pilersaarusiortnermi tapiliussaq una immikkoortumi pilersaarut A20-mut nutarterineruvoq. Immikkoortumi pilersaarut A20 ullutsinnut naleqqukkunnaarmat kommunimi pilersaarusiortnermi tapiliussaq suliarineqarpoq:

- Immikkoortumi pilersaarut A20 2006-imi akuersissutigineqarpoq, 2008-milu aasakkut immikkoortumi sanaartorfigissaaneq aallartinneqarluni. Sanaartorfigissaanerup ingerlanneqarnerani aqqusinniorfissat il.il. illuartinneqarput. Tamatumalu kinguneraa sanaartorfiusussatut pilersaarutit ilaat sanaartorfiusinnaajunnaarmata, taamaattumillu allamut inissiisoqartariaqalerluni.
- Sisimiuni kissaatigineqartunut tunngatillugu illoqarfinni illunik sanaartornissami, tallimat tamarnik immikkut 400 m<sup>2</sup>-it missaani sanaartorfissallit aningaasaleeqataaffiginiarlugit Namminersorlutik Oqartussat nalunaaruteqarnikuupput. Tamanna nutaanik sanaartorfissaliisariaqalernermik aqqusinniorfissanillu il.il. allanngortitsisariaqalernermik kinguneqarpoq..
- Immikkoortumi pilersaarut A20 suliarineqarmalli ilaqutariinnut ataatsinut/affarleriinnik illuliornissami sanaartorfissatut immikkoortinneqartumit 150 m<sup>2</sup>-imit annikinnerusumik sanaartorfissamik noqqaassuteqartoqarnerusimavoq, sanaartorfigissaanermi akigitinneqartoq ilaatigut patsisaalluni. Noqqaassutigineqartut kommunalbestyrelsip naammasserusuppai annertussutsillu assigiinngisitaarnerusut qulakkeerusullugit, taamaalillunilu nalinginnaasumik assigiinngisitaartumik sanaartornissamik kissaatigineqarnera tamatumuuna taparserneqarluni.

Tamatumani pilersaarusiortnermi tunngavissaq nutaaq pisariaqartinneqarpoq, tamannalumi kommunip pilersaarusiortneqarneranut tapiliussap matuma suliarineqarneranut patsisaaqataavoq.

Qeqqata Kommuniani Sisimiut avannaatungaani immikkoortitamut kommunip pilersaarusiortneqarnerani tapiliussaq atuuppoq.

### Maleruagassatigut tunngavissaq

Pilersaarusiortneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-meersumit issuaaneq:

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusiorttisinissaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaani aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliasaqaqarfiinut pilersaarusiortneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

§ 15. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutininik arlalinnik qinigas-siilluni tamanut saqqummiussisinnaavoq.

**Qeqqata Kommunia - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

§ 16. § 15, imm. 3 naapertorlugu piffissaliussaq naapat, kommunalbestyrelsip kommunimut pilersaarutissatut siunnersuut nutaamik suliareqqillugu, siunnersuut inaarutaasumik akuersissutigisinnavaa. Tamatuma peqatigisaanik tusarniaanerup ingerlanerani akerliliissutit allannguutissatullu siunnersuutit tiguneqartut suliarineqassapput.

§ 17. Kommunalbestyrelsi kommunimut pilersaarutissatut siunnersuutip inaarutaasumik akuersissutigineqareernerani pisariaqanngitsumik kinguarsaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasissutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigut allaassuteqarnerseq.

§ 18. Kommunalbestyrelsip pisariaqalernerani kommunimut pilersaarut nutartertassavaa.

§ 19. Kommunalbestyrelsi nunaminertani kommunimut pilersaarummi inaarutaasumik akuerineqarimasumi pineqartuni sumiiffiup ilaannik aalajangersimasunik immikkoortitsisinnavaoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagaliorinnaalluni, tak. §§ 15-17.

Kommunimut pilersaaruserneq aamma nunaminertat atornerarnerat pillugit Namminersornerullutik Oqartussat nalunaarutaat nr. 7, 26. februar 2009-meersoq

§ 1. Kommunalbestyrelsip nalunaarummi matumani maleruagassat malillugit pilersaarusernermigut aqutsinermigullu, kommunip iluani nunaminertat inuiaqatigiit ataatsimut isigalugit nalilersuiffiusumik atornerqarnissaannik qulakkeerinnissamut suleqataanissaa nalunaarummi siunertarineqarpoq.

Pissutsit atuuttut

Immikkoortumi pilersaarut A20 – inissiat 90-it missaanut inissialiornermi akulikissusissaanut 8.340 m<sup>2</sup>-i immikkoortitavoq (akulikitsunik-pukkitsunik inissialiorneq angissusiinut naleqqiullugu annertuningorlugu suliariumannittussarsiunneqarnikuuvoq).

Inissialiornermi akulikissusissami kommunimi pilersaarusernermi tapiliussaq nr. 38-mi 8.405 m<sup>2</sup>-i immikkoortinneqarsimavoq, taamaalillunilu inissiat 115-it missaaniissallutik.

Tamanna 65 m<sup>2</sup>-iinnarmik annertussuseqartitsissaaq, taamaalillunilu siunniunneqaaqartumiit 1 procentimik annertunerusumik sanaartortoqarsinnaalissalluni, inissiat 25-t missaasa nalgaa, inissiat amerleriarneri procentinngorlugu 22 procentiulluni. Tamannalu inissiamut ataatsimut biilinit uninngasarfissaq annertunerulerneranik kinguneqarpoq.

Tusarniaanerup ingerlanerani akissuteqaammik ataasinnaarmik takkuttoqarpoq, tassalu Kalaallit Nunaanni Rigsombudsmandimit, oqaaseqaatissaqarani ilisimatitsisoq.

Aningaasaqarnikkut allaffissornikkullu kingunerisinnaasai

Erngup aqqutiliorfissat, aqqusineeraliorfissat aqqusinniorfissallu allanngortinneqartariaqarsimapput, taamaalilluni 2 milliunit missaanik aningaasartuuteqaaqqittoqassalluni. Taamatut aningaasartuuteqarneq sanaartorfigissaasoqarnerani aqqusinniorfissat il.il. illusinnerulernerinik patsiseqarneruvoq. Konto 77-02 ”Nunagissaaneq Akia 2”-mi siunertamut atugassanik suli uninngaasuuteqartoqarpoq, taamaalillunilu immikkut aningaasaliisoqarnissaa pisariaqartinneqarani. Taamaattorli taakkununga aningaasartuutit kontulersorneqarneri nunagissaanermut attuumassutilittut ingerlatiinnarneqarnissaat tulluartuussanngilaq.

**Qeqqata Kommunua - Kommunalbestyrelsip juunip 17-ani 2010-mi ileqquusumik  
ataatsimiinnerata 03/2010-p imaqarniliornera**

Allaffeqarfiup naliliinera

Allaffeqarfiup nalilerpaa, pilersaarutaaqqaartumi sanaartorfigissaanermilu suliarineqareersuni naapertuutinngitsortai kommunimi pilersaarummut tapiliussami iluarsivigineqartut. Aammaattaaq illoqarfimmi illut pisortat pilersaarutaat namminerlu aningaasalersukkamik ilaqutariinnut ataatsinut affarleriinnillu illuliat sanaartorneqarsinnaangussapput. Tusarniaanerup ingerlanerani annertuutigit oqaaseqaammik tigusaqartoqanngilaq.

Immikkoortumi pilersaarut A20-mi inissianik sanaartornissaq aasap ingerlanerani aallartinneqarnissaanik pilersaarusionerqarsimanera patsisaalluni akuersissutigineqarnissaa nukingiuunneqarpoq.

**Innersuussut**

Teknikkimut Avatangiisinullu Immikkoortortap Kommunalbestyrelsimut akuersissanngorlugu innersuussutigaa,

kommunimi pilersaarusionermermi tapiliussaq nr. 38 akuersissutigineqassasoq

**Aalajangiineq**

Nuna tamakkerlugu pilersaarusionerfimmii kingusinaartumik saqqummiussat ilanngunneqarnissaat ilanngullugu, innersuussutigineqartoq akuersissutigineqarpoq

**Ilanngussaq**

1. Kommunimi pilersaarummut tapiliussaq nr. 38



**Imm. 27 ukiumut pisassiiffiusumut 2010-2011-mut qaqortanik qernertanillu  
qilalugarniarnissamut pisassiissutinik agguaassinissaq pillugu siunnersuummut  
tusarniaanermut akissutissaq**

*Journalnr.*

Tunuliaqutaq

Aalisarnermut Piniarnermut Nunalerinermullu Naalakkersuisoqarfik maajip 28-ani 2010-mi allakkatigut, ukiumut pisassiiffiusumiut 2010-2011-mut qaqortanik qernertanillu qilalugarniarnissamut pisassiissutinik agguaassinissaq pillugu siunnersuummut tusarniaavoq. Tusarniaaneq juunip 18-ani 2010-mut killiliumneqarpoq.

Maleruagassatigut tunngavissat

Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaat nr. 2, 12.februar 2004-meersoq naapertorlugu pisassiiffik piffissami 1.juli aalartittarpoq, naasarlunilu 30.juni ukiup tulliani.

Pissutsit atuuttut

Sisimiunut Maniitsumullu 2009-2010-mi pisassissutit, pisarisimasat, ukiumullu pisassiiffiusumut 2010-2011-mut pisassiissutissatut Namminersorlulik Oqartussanit siunnersuutit kisitsisinngorlugit takussutissiat:

	<b>2009-2010 mi pisassiissutit</b>	<b>2009-2010-mi pisa- rineqarsimasut</b>	<b>Pisarinngit- suukkat 2009-2010</b>	<b>2010-2011-mut pi- sassiissutissatut siunnersuut</b>
Sisimiut	22	22	0	26
Maniitsoq	9	5	4	10

Allaffeqarfiup naliliinera

Qilalukkanik qaqortanik pisassiiffimmi 2009-2010-mi piniarnermit takussutissat tunngavigalugit, Qeqqata kommunianit pisassiissutinut siunnersuut akuerineqassasoq matumuuna akueralugu akissuteqarnissaq innersuussutigineqarpoq.

2010-2011-mut pisassiiffik piffissami 1.7.2010-30.6.2011 atuutissaq.

**Innersuussut**

Pisassiissutissatut siunnersuut kommunalbestyrelsimiit akueriqqullugu innersuussutigineqarpoq.

**Aalajangiineq**

Qeqqata Kommuniani qilalukkanik qernertanik pisaqartoqarsinnaalernissaa ilanngullugu qinnutigineqassaaq.

Innersuussutigineqartoq akuersissutigineqarpoq.

**Ilanngussaq**

1. Qaqortanik qernertanillu qilalugarniarnissamut pisassissutinik agguaassinissaq pillugu Naalakkersuisuniit tusarniaaneq.
2. Tusarniaanermut akissutissatut siunnersuut.

**Imm. 28 Tamalaat**

Oriumi illuarassamut tunngasoq sumut killinnersoq Anda Berthelsenimit Marius Olsenimillu apequtigineqartoq, Aningaasaqarnermut, Teknikkimut Avatangiisinullu pisortaanermit akissuteqarfigineqarpoq.

Anguniarneqassaaq sukkasuumik sananeqarsinnaanera allaffissornikkut misissorneqassasoq.